



金陵通傳卷六目錄

第二十七冊

陳邁 弟適 楊邦乂 陳克 胡銓

第二十八冊

張綱 子堅 徐林 弟統 段拂 翁蒙之 劉岑 何若 子癯 江賓王 鍾

松裔

第二十九冊

張邵 弟祁 鄭 子孝覽等 從 子孝祥 魏良臣 王綸 周麟之

第三十冊

范同 閻彥昭 李處全 李兼 潘彙征

通傳六目錄

殺戮蓋貪汙之輩平日倚法侵牟不平之氣積於民心一旦乘勢如此可為悲痛此風不除必更生事臣願采撫官吏姦贓尙仍積習者按治以聞許之又進學士凡所施置以御筆先下於是彈劾無所避杭經亂後河渠湮塞恆苦積潦遭以冬月檄真揚潤楚諸郡守牘綱卒悉集治所先是當開牘時羣卒無以食率凍餓聞命懼躍以來者二千人用其力治河不兩月畢杭人利焉徙河北都轉運使進延康殿學士歷知中山真定河間府欽宗立加資政殿學士積階至光祿大夫復知真定徙中山時金人已再至邁冒圍入城堅壁拒守詔副康王為兵馬元帥受圍半年外無援師汴京既陷割兩河求和邁弟光祿卿適至中山臨城諭旨邁遙語之曰主辱臣死吾兄弟平生以名義自處甯當賣國家為囚孥乎適泣曰兄但盡力勿以弟為念邁呼總管使括城中兵擊賊總管辭遂斬以徇又呼步將沙振往振素有勇名亦辭邁固遣之振懼且怒衷刃入府邁妾定奴叱其輒入振立殺之遂害邁於堂及其子錫并僕妾十七人長子鉅以官淮南獲免振出帳下卒諫殺之然城中無主乃開門降金人入見其尸曰南



金陵通傳卷六目錄

第二十七冊

陳邁弟適 楊邦父 陳克 胡銓

第二十八冊

張綱子堅 徐林弟統 段拂 翁蒙之 劉岑 何若 江賓王 鍾

松裔 永年

第二十九冊

張邵弟祜 鄭子孝覽等 從子孝祥 魏良臣 王綸 周麟之

第三十冊

范同 閻彥昭 李處全 李兼 潘彙征

通傳六目錄

殺戮蓋貪汙之輩平日倚法侵牟不平之氣積於民心一旦乘勢如此可為悲痛此風不除必更生事臣願采撫官吏姦賊尙仍積習者按治以聞許之又進學士凡所施置以御筆先下於是彈劾無所避杭經亂後河渠湮塞恆苦積潦遭以冬月檄真揚潤楚諸郡守牘綱卒悉集治所先是當開牘時羣卒無以食率凍餓聞命懼躍以來者二千人用其力治河不兩月畢杭人利焉徙河北都轉運使進延康殿學士歷知中山真定河間府欽宗立加資政殿學士積階至光祿大夫復知真定徙中山時金人已再至邁冒圍入城堅壁拒守詔副康王為兵馬元帥受圍半年外無援師汴京既陷割兩河求和邁弟光祿卿適至中山臨城諭旨邁遙語之曰主辱臣死吾兄弟平生以名義自處甯當賣國家為囚孥乎適泣曰兄但盡力勿以弟為念邁呼總管使括城中兵擊賊總管辭遂斬以徇又呼步將沙振往振素有勇名亦辭邁固遣之振懼且怒衷刃入府邁妾定奴叱其輒入振立殺之遂害邁於堂及其子錫并僕妾十七人長子鉅以官淮南獲免振出帳下卒諫殺之然城中無主乃開門降金人入見其尸曰南

朝忠臣也斂而葬諸鐵柱寺建炎初贈特進邁性孝友爲人寬厚任部刺史二十年每行郡邑必焚香祈天願不逢貪濁吏嘗薦呂頤浩張懋謝克家何鑄後皆至公輔世以爲知人適由開封少尹衛尉少卿仕至光祿卿金人執之北去後十年卒於雲中

楊邦又字希稷溧水人寄籍吉水

據楊萬里誠齋集邦又與胡銓俱金陵人

登政和乙未進士第除

教授改知溧水縣遷通判建康府建炎三年金人犯建康進營南門外鐵作寺留守杜充出下水門悉師遁戶部尙書李稅知建康府事陳邦光迎降邦又獨拒不從大書衣裾曰甯爲趙氏鬼不作他邦臣稅等愧謝然猶強擁以行過街橋邦又大呼曰我豈爲降虜者哉欲投水爲救者所持至金營命之拜曰我不降何拜亟遁歸臥於家明日金酋張太師來諭邦又授以舊官邦又以首觸階曰我已志死何多誘我爲首大驚止之俄而其酋燕稅邦光堂上樂方作召邦又立堂下邦又瞠視之叱曰天子以若拒賊不能抗俯首求活尙何面目見我乎金將有起取死活二字脅邦又者曰公無多言卽欲死趣書死字下我乃信

通傳六

二

邦又躍起書字曰死酋相顧色動又引去明日再以見烏珠邦又不勝憤大罵烏珠怒使人疾擊挺交下邦又罵不絕口遂殺之剖其心事聞詔贈朝議大夫徽猷閣待制諡忠襄葬梅岡卽其死所立廟賜額褒忠從死者山寨賈隅官忠義陳都義廉從陳大伯隅官武勇絕人人稱賈三郎與邦又同被執命其子結里人爲鬻薪者匿兵器於薪以入闔者索得之父子俱磔於市稍後有陳克者字子高其先自臨海徙金陵遂爲建康人紹興中呂社帥建康辟爲勅令所副定官後隨充淮東參謀會鄺瓊叛克戰敗被執賊叱令跪克曰吾爲宋臣學忠信之道甯爲珠碎不爲瓦全賊怒積薪焚之克罵不絕口而死賊悔羅拜舉酒酌之曰忠臣也吾輩無狀所著有天台赤城二集

胡銓字邦衡建康人寄籍廬陵建炎二年詔策士揚州銓策切直幾冠多士爲

忌者抑置第五除撫州軍事判官未上會隆祐太后避兵贛州金人躡之銓以漕檄攝本州募募鄉丁助防第賞轉承直郎居父憂從蕭楚學春秋紹興五年張浚開府辟湖北倉曹不赴詔赴都堂審察兵部尙書呂社以賢良方正薦除

樞密院編修官八年秦檜決策主和金使以招諭江南爲名中外洶洶銓抗疏

言曰臣謹案王倫本一狎邪小人市井無賴

案倫乃王且後裔後使金不屈死非秦檜比此疏有激之言毋過泥

也頃緣宰相無識遂舉以使虜專務詐誕欺罔天聽驟得美官天下之人切齒

唾罵今無故誘致虜使以招諭江南爲名是欲臣妾我也

是欲劉豫我也劉豫臣事醜虜南面稱王自以爲子孫帝王萬世不拔之業一旦豺狼改慮猝而搏

之父子爲虜商鑿不遠而倫又欲陛下效之夫天下者祖宗之天下也陛下所

居之位祖宗之位也奈何以祖宗之天下爲金虜之天下以祖宗之位爲金虜

之位陛下下一屈膝則祖宗廟社之靈盡污夷狄祖宗數百年之赤子盡爲左衽

朝廷宰執盡爲陪臣天下士大夫皆當裂冠毀冕變爲胡服異時豺狼無厭之

求安知不加以無禮如劉豫也哉夫三尺童子至無識也指犬豕而使之拜

則怫然怒今醜虜猶犬豕也堂堂大國相率而拜之會童孺之所羞而陛下忍

爲之耶倫之議曰我一屈膝則梓宮可還太后可復淵聖可歸中原可得烏乎

自變故以來主和議者誰不以此說陷陛下哉然而卒無一驗則虜之情僞已

通傳六

可知矣而陛下尙不覺悟竭民脂膏而不恤忘國大讐而不報含垢忍恥舉天

下而臣之甘心焉就令虜決可和盡如倫議天下後世謂陛下何如主況虜變

詐百出而倫又以奸邪濟之梓宮決不可還太后決不可復淵聖決不可歸中

原決不可得而此膝一屈不可復伸國勢凌夷不可復振可爲痛哭流涕長太

息矣向者陛下開關海道危如累卵當時尙不忍北面臣虜況今國勢稍張諸

將盡銳士卒思奮只如頃者醜虜陸梁僞豫入寇固嘗敗之襄陽敗之淮上敗

之渦口敗之淮陰校諸往時蹈海之危固已萬萬倫不得已而用兵則我豈遠

出虜下哉今無故而反臣之欲屈萬乘之尊下穹廬之拜三軍之士不戰而氣

已索此魯仲連所以義不帝秦非惜夫帝秦之虛名惜天下大勢有所不可也

今內而百官外而軍民萬口一談皆欲食倫之肉謗議洶洶陛下不聞正恐一

旦變作禍且不測臣竊謂不斬王倫國之存亡未可知也雖然倫不足道也秦

檜以腹心大臣而亦爲之陛下有堯舜之資檜不能致君如唐虞而欲導陛下

爲石晉近者禮部侍郎會開引古誼以折之檜乃厲聲責曰侍郎知故事我獨

不知則檜之遂非復諫已自可見而乃建白令臺諫侍臣僉議可否蓋畏天下議已而令臺諫侍臣分謗耳有識之士皆以爲朝廷無人吁可惜哉孔子曰微管仲吾其被髮左衽矣夫管仲霸者佐耳尚能變左衽之區爲衣冠之會秦檜大國相也反驅衣冠之俗爲左衽之鄉則檜不唯陛下之罪人實管仲之罪人矣孫近傳會檜議遂得參知政事天下望治有如飢渴而近伴食中書漫無可否檜曰虜可和近亦曰可和檜曰天子當拜近亦曰當拜臣嘗至政事堂三發問而近不答但曰臺諫侍從議矣烏乎參贊大政徒取充位如此有如虜騎長驅尚能折衝禦侮耶臣竊謂秦檜孫近亦可斬也臣備位樞屬義不與檜等共戴天區區之心願斷三人頭竿之藁街然後羈留虜使責以無禮徐興問罪之師則三軍之士不戰而氣自倍不然臣有赴東海而死爾甯能處小朝廷求活耶書上檜大怒詔除名編管昭州朝臣多救之者乃使監廣州鹽倉尋改簽書威武軍判官十二年羅汝楫希檜旨劾之詔編管新州俄移請吉陽軍檜死量移衡州孝宗卽位復奉議郎知饒州召對言修德結民練兵觀釁帝嘉其直諫

通傳六

四

除吏部郎遷祕書少監起居郎兼侍講國史院編修官進言乞都建康謂漢高入關中光武守信都大抵與人鬪不隘其亢拊其背不能全勝今日大勢自淮以北天下之亢背也建康則揜之亢之地也若進據建康下臨中原此高光興王之計也詔議行幸言者請紓其期遂以張浚視師圖恢復及符離師潰銓請勿以小挫自沮時旱蝗星變銓應詔上書數千言語多切直金人議和銓曰金人知陛下銳意恢復故以甘言款我願絕口不言和字尋權中書舍人同修國史張浚之子扶賜金紫銓繳奏之謂不當如此待勳臣子浚雅與銓善不願也俄除宗正少卿乞補外不許隆興二年兼國子祭酒遂權兵部侍郎帝以災異求言銓謂振災爲急務議和爲闕政金兵在淮北銓以本職措置海道劾李寶擁師自衛寶懼始出師時大雪河冰皆合銓先持鐵椎鑿冰士皆用命金人遂退久之提舉太平興國宮乾道初以集英殿修撰知漳泉二州趣奏事留爲工部侍郎七年除寶文閣待制留筵求去以敷文閣直學士與外祠陛辭猶以歸陵寢復故疆爲言帝曰朕志也特賜通天犀帶以寵之銓歸上所著易春

秋周禮禮記解詔藏祕書省遂進龍圖閣學士提舉玉龍萬壽宮累加端明資政二殿學士卒諡忠簡著有澹菴集百卷兄鏞精春秋弟鏞從子昌齡以詩名薦於朝銓子泳澥游冲孫十六人渠渠最顯渠字仲方嘉定中仕至工部尙書知福州梨亦至尙書

劉龍洲送金陵胡撫幹詩云故家凋喪後初識澹菴孫是忠簡諸孫復家金陵也

論曰陳楊二公高風亮節爲天水之冠而皆出自吾郡胡公蘊直氣懾權奸名聞敵國都人士之佼佼者也奇藉江嶺幾味本貫然後歎誠齋別集其爲功也大矣

張徐段翁劉何江傳第二十八

張綱字彥正句容人會祖俊由金壇徙居始占籍焉祖祺父翽宋政和二年綱試內舍第一明年上舍第一試崇政殿復賜第一好事者繪三魁圖以美之初除太學正遷博士祕書省校書郎入對論方今君子小人溷殺邪正無別儉邪得志邀功生事禍患方殷而用事者大言罔上風俗侈靡背本趨末宜以祖宗躬行之教爲法天下有不難化矣與蔡京論事不合奉玉局觀久之遷著作佐

通傳六

五

郎兼修國朝會要校正御前文字歷屯田司勳二郎力言不可遣童貫蔡攸使朔方不報金人犯闕命綱分守城壁旋解嚴綱獨不肯受賞靖康元年出爲兩浙提點刑獄移病歸高宗立起原官復除司勳員外郎紹興二年遷江東提點刑獄時政尙姑息諸將往往輕朝廷池將王進尤悍曹官小忤輒釘手於門事聞詔綱窮竟進擁甲騎數百突至綱前綱叱進下階按問罪立具驕將爲之斂跡召權監察御史進中書起居二舍人宗室令鷹特轉太中大夫綱繳奏非祖制命遂寢張俊駐師九江奏瑞昌令郭彥章執其營卒彥章坐免俊又乞免私家徭役綱疏言中興以來徭役功臣與編戶等蓋欲共濟國事不宜倖免又彥章奉法守職宜獎而反黜無以示勸詔從之又請依祖宗法令大臣兼領史事乃詔呂頤浩監修著爲令會推恩元祐黨籍時無限制陳詠者紛然綱議以崇甯所刻十八人爲正論始定尋轉給事中加徽猷閣待制先是官司勳時秦檜以酬賞事屬之綱據法以爲不可檜怒及檜當國綱不與通問檜謂其舅李朝正曰張夕拜正而不阿吾所心服然不相聞問鄙我也綱聞之曰吾已無求於

世京黼尚不爲屈况檜乎會丁憂服闋魏狂希檜意劾罷之因提舉太平觀致仕家居凡二十二年檜死召赴行在兼給事中金使敬暉來命爲館伴觀潮坐定暉舉前人潮詩數十首以問綱應答如響俄擢工部侍郎兼侍讀講詩周南歷陳文王用人寓意規戒帝歎曰久不聞博雅之言進吏部尚書上言比年監司資淺望輕必擇清要官曾任郡守有治狀者爲之星變求言綱奏求言易聽察難宜命有司詳審章奏必究極其情無事苟簡俄拜參知政事時帝親政懲檜苛暴諭輔臣寬恤民力綱舉利民八十事乞鑲版宣布中外告老除資政殿學士知婺州尋致仕居茅山號華陽老人帝幸建康朝行宮孝宗登極賜羊酒存問卒年八十四生平篤於自守嘗書座右曰以直行己以正立朝以靜退高天下著有華陽集四十卷京口者舊傳九卷初諡文定改章簡子堂堅堅字子固紹興甲戌進士官戶部郎中寶文閣學士堅子釜字君量以蔭入官主管江東安撫司機宜文字通判饒州再登淳熙五年進士知廣安軍累遷殿中侍御史諫議大夫兵禮吏三部尚書端明殿學士簽書樞密院事

通傳六

徐林字稚山烏江人鉉之裔也會祖爽宋校書郎祖師回朝議大夫父閔中直祕閣鄭州法曹爲吏有能名林舉宣和三年進士從母之夫王黼用事恥與附麗紹興初上書言事召對改官累遷太府少卿出爲江西轉運副使劾秦檜親黨檜諷兩浙轉運使誣林沮經界法貶興化軍十三年復召爲刑工二部侍郎論國用太廣宜撙節隆興初轉吏部論符離之役非計遂以數文閣學士奉祠旋起知平江府力辭因乞致仕再以給事中召不起遷龍圖閣學士與外祠自號硯山居士卒年八十餘弟兢字明叔少聰慧家藏騎省遺物甚多有一視刻鼎臣二字世父時中曰有能繼素業者與之遂以與兢政和中兢以父任除通州刑曹尋爲尙書郎徐禋幹辦公事靜江黃麟引大理國入貢朝廷疑之召禋殿實禋以命兢兢舉大理立國歲月山川風俗雜詰之皆不知詐狀遂白攝羅邱令有兄弟交訟者久繫不決兢飭守者設一席俾偕坐臥食必共器閱旬日乃感悟曰令君教我矣其後更以友愛稱京部使者遣卒二百築室邑中肆爲橫暴兢捕治之使者託上冢至縣入獄盡解所縛兢曰位無高卑奉天子法均

也欺君媚人吾不忍爲密捕兇黨復得之眞諸法移攝原武縣事單車赴官撫民甚至調濟州士曹宣和六年出使高麗撰宣和奉使高麗圖經四十卷帝覽之大悅賜同進士出身擢知大宗正事兼掌書學遷刑部員外郎坐時相親嫌謫監池州永豐倉丁憂服除授沿江制置司參謀官丐祠主管南京鴻慶宮覲倣儻好施凡疏戚遠近孤獨固窮脫之於憂患助之以婚姻葬斂者不可勝計又長於詩歌畫入神品音律篆籀皆精嘗治圃數十畝名洗硯池自號自信居士紹興二十一年卒年六十三弟琛亦以篆名家覲字子禮出後從父蒞初爲江南西路轉運司幹辦公事乾道初知江陰軍以郡田汙下溝瀆久淤請盡蠲夏秋稅之當輸者報可又江陰認辦臨安府和買油絹四千餘匹民苦之戴極言乞免許之改浙東提舉常平知秀州戴有學行尤工漢隸戴弟戴監淮南江東總領所戶神火軍庫覲孫元老同老明老洋元老老仕至修職郎

段拂字去塵上元人米芾好潔見其名字喜曰旣拂矣又去塵眞吾壻也以女妻之大觀元年中博學宏詞科累官至權禮部侍郎兼修撰紹興十四年除起

通傳六

七

居舍人遷給事中尋自翰林學士拜參知政事時趙鼎卒於嶺外拂聞而歎息秦檜怒諷侍御史余堯弼論其罪罷爲資政殿學士提舉江州太平興國宮臣僚希檜意再劾之落資政興國軍居住未幾卒

翁蒙之字子功上元人祖彥升官集英殿修撰自崇安占籍金陵父揆密州司士曹事有文行蒙之初補登仕郎調右迪功郎常山縣尉郡將章傑丞相惇孫也憾趙鼎嘗劾惇遣蒙之護鼎喪歸陰使陷趙氏並搜其往來書疏蒙之密告趙氏令燒之以無所得告傑怒以他罪劾徙蘭溪尉調明州司理參軍主管機宜文字母憂服闋改監登聞鼓出爲江東安撫司主管機宜文字除軍器監丞復召爲司農寺丞生平尙意氣嘗推集英引年恩於從祖弟履之張祁以忤秦檜繫獄蒙之罄家資得白金百兩遺之江西劉琦奔父喪病疫蒙之至其家躬治藥餌琦得不死其好義如此年五十二卒無子以從祖兄誠之子樽年嗣葬

江甯縣西北邨新安朱熹銘其墓

劉岑字季高號杼山溧水人宣和甲辰進士累官至徽猷閣直學士刑部侍郎

紹興以來文散階皆有左右字以別有無出身惟犯賊者則去之岑以忤秦檜坐賊廢去其左字岑署銜不以爲愧也夙工書屏居建康安撫使張孝祥忽具衣冠造之岑驚異遣問來意答曰欲北面書法岑乃道服而出孝祥再拜岑亦不辭其自重如此所書有蔣山太平興國寺佛殿記永甯院記忠節廟記劉忠肅公祠記皆縱逸不拘舊法南渡書家之冠也

何若字任叟上元人宣和甲辰進士仕至泲州推官紹興中與守將王進謀擒斬叛卒召除正字擢御史除簽書樞密院事忤秦檜以疾奉祠寓於衢著有風山集尙書春秋講義漢唐史評子憚仕至知化州禦妖賊有功

江賓王字彥濟句容人會祖讚祖仲文父述道世居坊正鄉南陽里賓王與上元鍾離松同舉紹興戊辰進士對策切直忤秦檜意列四甲除秦興主簿遷池州教授檜死補編修直史院久之卒官松字少公會祖瑾朝請大夫祖景融武略大夫沂贈右通直郎松以乾道中知興化軍訪得蔡襄忠惠集編爲二十六卷亦留心文物者也賓王裔孫永年生於明中葉少時與祝枝山唱和自稱

通傳六

八

柳汧外史嘗重梓元劉大彬茅山志又藏有其遠祖賓王同年試錄及宋刊句容縣志

論曰張徐段劉何江諸公皆以忤秦檜罷而翁蒙之資張祁以財獨未被譴豈兇醜亦有所不及與徐明叔文采風流無忝厥祖與劉季高之書法尤足以傾倒一世云

張魏王周傳第三十九

張邵字才彥烏江人遠祖籍自有傳邵登宣和三年上舍第建炎元年爲衢州司刑曹事應求言詔上疏曰有中原之形勢有東南之形勢今縱未能遽事中原宜進都金陵因江淮蜀漢閩廣之資以圖恢復不應退自縮弱二年金人南侵詔求可至軍前者邵慨然請行轉五官直龍圖閣假禮部尙書充通問使即日就道至維州接待使置酒張樂邵曰二帝北遷邵爲臣子不忍聽樂請辭翌日見左監軍達蘭命邵拜邵曰監軍與邵爲南北朝從臣無相拜理且以書抵之日兵不在強弱在曲直宣和以來我非無兵也帥臣開邊隙謀臣啟兵端是

以大國勝之厥後僞楚僭立羣盜蠹起會幾何時掃盪無餘是天意人心未厭宋德也今大國復裂地以封劉豫窮兵不已曲在有矣達蘭怒取國書去執郕送密州囚於祚山砦明年送劉豫使用之邵見豫長揖呼爲殿院責以君臣大義豫怒械置於獄終不屈乃送還金拘之燕山僧寺後益北徙之會甯府紹興十三年和議成始歸著有輶軒唱和集八月入見奏前後使者如陳過庭司馬朴勝茂實魏行可崔縱皆沒異域未衰贈者乞早頒恤典邵并攜崔縱柩歸其家論勞升秘閣修撰主管佑神觀爲左司諫詹大方所論改台州崇道觀十九年以敷文閣待制知池州再奉祠卒年六十一贈少師邵負氣慷慨常以功名自許奉使囚徒屢瀕於死而賦詩作文考訂史傳金人多從之學著述盈帙歸獻所聞納忠於朝將有施爲以償素志旣不克遂乃歎曰身在異域視死如歸爲國事也今士大夫有告言連坐之風一或被罪家破名滅竟亦何裨悉取舊稿焚之惟日夜潛心經學無田無宅未嘗過問文集凡十卷子孝覽通判平江府孝曾直秘閣福建轉運副使後亦以出使沒於金孝忠字正臣隆興元年進

通傳六

九

士累官直寶謨閣知金州事兼制司參議權知荊州軍著有野逸堂詩一卷邵弟祁

祁字晉彥以兄邵使金恩補散官仕至淮南轉運判官直祕閣諜知金亮淪盟言於朝且峙粟閱兵爲備言者以生事罷之後遂不復求進卜居蕪湖昇仙橋西築堂曰歸去來自號總得居士以終其身有詩集游默齋序之子孝祥字安國讀書過目不忘下筆頃刻千言年十六領鄉薦再舉冠里選十八來居建康師事鄉先生蔡清宇與汪翥之孫膠同學紹興二十四年廷試第一時策問師友淵源秦墳與曹冠皆力攻程氏之學孝祥獨否考官已定墳冠多士孝祥及冠次之帝讀墳策皆秦檜語於是改擢孝祥卽除承事郎簽書鎮東軍節度判官諭宰臣曰張孝祥詞翰俱美檜怒旣知爲祁子祁與胡寅厚檜素憾寅且唱第後曹泳搢孝祥於廷以請婚爲言孝祥不答泳亦恨之因諷言者誣祁有反謀繫詔獄并將連及邵會檜死魏良臣以郊祀恩密請散獄釋罪遂得免并召孝祥爲祕書省正字孝祥進對乞總攬權綱以成更化之美又言官吏忤故相

意並緣文致而成罪乞令改正又言王安石作日錄一時政事美則歸己故相信任之專非特安石臣懼其所作時政記亦如安石專用己意乞取已修日錄詳審是正黜私說以垂無窮皆從之遷校書郎芝生太廟仁英二室孝祥獻文曰原芝其略曰非天私我有宋我祖宗在天篤丕祐於子孫明告大符於惟欽哉在昔仁祖登三成五以天下爲公授之英宗以永我基祚於惟欽哉我聖天子躬濟大業既平既治上怡下嬉惟大本未立社稷宗廟之靈亦靡克甯饗有燧茲芝胡爲乎來天惟顯思命不易哉和氣致祥敢曰不然曷不於他乃廟產旃曷不於他於二宗之室曷不於他再歲再出於惟欽哉天意則然我祖宗之意則然於惟欽哉小臣敢告我聖天子告我聖天子承天之意承祖宗之意早定大計惟一無貳紛以貳起辛伯有言惟貳惟一治忽所原匪弗圖之憂惟貳之懼敢告聖天子爲萬世利蠢爾小臣越職罪死弗罪以思惟我聖天子言有一得以裨吾國萬死奚恤渠敢愛死而畏越厥職帝覽之喜遷尙書禮部員外郎轉起居舍人權中書舍人爲御史中丞汪澈所論罷提舉江州太平興國宮

通傳六

十

尋起知撫州年未三十莅事精確老於州縣者所不及孝宗卽位復集賢殿修撰知平江府府事繁劇孝祥剖決如流庭無滯訟屬邑大姓爲奸利捕籍其家得穀數萬明年吳中大饑迄賴以濟會張浚自蜀還朝孝祥召赴行在入對言自靖康以來和戰兩言貽禍無窮要先立自治之策又言用才之路太狹乞博采度外之士以備緩急帝嘉之除中書舍人旋以直學士院兼都督府參贊軍事遂知建康府事領行宮留守改除敷文閣待制嗣以集賢殿修撰知靜江府廣南西路經略安撫使以言者罷俄起知潭州爲政簡易時濟以威復待制復知荊州湖北路安撫使築守金隄自是荆無水患置萬盈倉以儲漕運因疾乞祠進顯謨閣直學士致仕卒年三十八孝祥文章俊逸尤工翰墨人稱紫府仙著有于湖集四十卷汪翥字文舉建康人家居豫章膠後亦成進士孝祥墓在上元縣清果寺祁弟鄰

鄭字知彥少以兄奉使恩授右迪功郎調開化尉累遷至樞密院編修官通判建康府吏不敢欺以事免尋起主管淮西轉般倉以太府寺丞知真州前官員

琦獻羨縉八萬皆文具鄉以實聞得免輸又極言用券之弊事乃止真爲揚楚之衝舊無城乃發旁近屯卒二千人築之四十四日而成轉知鄂州鄂爲江湖間都會總領轉運都統制三司鼎立雖幕僚皆輕郡守鄉剛介有名人悉憚之而軍中倔強如故縱羣卒入市歐民鄉捕至呼吏作奏軍吏羅拜請乃已有軍卒夜挾刃貸於富室勝使不敢言鄉廉得之馳入提舉軍事張平家平素以兄事鄉呼家人置酒鄉曰我來正欲飲但當得劫富民者行軍法飲乃快耳平惶恐立捕治之又獲妖人吳興獻於朝蜀士喪歸遇盜被舟殺人復捕得之由是江路清夷有誤觸舟者柁師大言曰張公在此汝敢爾耶歲大饑疫餓給之食死給之糶民家一牛死貸錢三萬以買犢治聲上聞俄提舉江東常平茶鹽公事部內早先振後聞且請罷造寨屋教民兵行和糴創馬糊鑄錢幣諸新法爲用事者所忌歲滿乞祠主管崇道冲祐二觀年八十七卒子孝伯隆興元年進士知江甯縣奏停年租額外徵辦歲大水民饑請振卹始立養濟院累擢至參知政事勸弛僞學之禁復故相趙汝愚官未幾罷卒孝伯子卽之字温夫以父

通傳六

十一

蔭承務郎爲烏程縣丞舉兩浙轉運司鄉貢歷官司農寺丞知嘉興府未赴以老乞歸授直祕閣致仕閬州守王惟中爲制使余晦所讒坐棄市卽之雖閬居猶移書買似道撫其遺孤人高其義素以能書聞天下金人尤寶其翰墨晚號榜寮居士

魏良臣字道弼溧水人負資瑰偉少游郡學歸母病已亟剖股調藥以進下明卽安以宣和三年進士除丹徒尉值徽宗南巡疏請還闕不報高宗初詣闕投匭伸太學生陳東冤天下高之調嚴州壽昌令以最召對除勅令所刪定官選吏部員外郎金犯高郵擇使請和帝曰魏良臣頗有氣節宜往會邊帥開費金人怒欲勿盟良臣曰初天子議未下邊臣唯有死戰耳金人憚之與盟而退還除禮部侍郎遷左右司檢正秦檜欲畀以言職力辭適金人敗盟擢吏部侍郎復奉使烏珠擁精銳以拒之欲畫江爲界良臣毅然曰有國書在且分淮而守定和議者卽我也其他非所敢知反復持議迄不可奪於是秦檜忌之出知池廬二州檜死召爲參知政事請出衣冠之囚歸蠻瘴之冤起淹抑斥姦回修軍

政罷尤官節浮費時政一新同輩咸爲側目竟以資政殿學士出知紹興府歷
宣澤洪諸州進封建康郡開國侯卒贈太保諡敏肅子叔介字端直以父蔭官
至軍器監著有定齋耘稿叔介子大中監常州稅務剛中華亭場鹽官執中文
中官閥無考

王綸字德言一字廷輔建康人幼穎悟十歲能屬文舉紹興五年進士除崑山
縣簿歷鎮江婺州臨安教授權國子正時初建大學亡舊規吏因緣爲奸綸釐
正其弊遷勅令所刪定官諸王宮大小學教授兼權兵部郎言孔門弟子與後
世諸儒有功斯文者皆得從祀先聖二十四年以薦爲監察御史論事忤秦檜
意會權內制草劉婉儀進位貴妃制帝稱其有典詰體潤筆殆將萬緡賜視尤
奇檜愈不樂遭論劾去踰年起知興國軍檜死召爲起居舍人兼崇政殿說書
尋兼權禮部侍郎試中書舍人高宗躬親政事收攬威權召諸賢於散地詔命
填委多綸所草綸奏守臣裕民事乞毋拘五條從之俄兼侍講進講左氏傳與
帝意合又以鄭樵學行薦尋遷工部侍郎兼直學士院撰吳玠神道碑賜宸翰

道傳六

十一

褒寵二十八年除同知樞密院事金將渝盟邊報杳至綸請先爲備禦已而病
肺乞祠帝遣御醫診視且賜白金五百兩二十九年朝論欲遣大臣爲使覘敵
且堅盟好綸請行乃以爲稱謝使至金條對詳明金主不能屈還朝疾作力丐
外除資政殿大學士知福州帝解犀帶賜之明年徙知建康府兼行宮留守建
康綸鄉里也未第時兄弟就食府庠至是建畫錦堂於府治西廳人以爲榮會
敵犯江綸每以守禦利害驛聞帝多從之三十二年卒贈光祿大夫諡章敏葬
溧水峒峴山無子以兄綽子爲後

周麟之字茂振其先由蜀徙海陵金兵南下隨高宗渡江家建康遂以江甯籍
登紹興十五年進士第復中宏詞科第一累至翰林學士知制誥二十九年使
金凡所經過察人情審敵勢知和不足恃作中原民謠十首還遷侍讀兼刑部
侍郎以草立太子詔功兼權吏部尚書俄遷知樞密院事金亮遷汴將渝盟朝
議遣使賀遷麟之言宜練甲申儆以觀變使不當遣帝曰彼欲割地何以應之
對曰議信之使分畫封圻故有載書存願出示使者厥請將自塞從其計其人

果無語再命使金乃疏爭曰臣當竭智畢力協贊事機倘使搖尾乞憐臣竊恥之帝怒責祕監分司南京居端州采石師捷作凱歌二十四首孝宗卽位詔復故官特許自便撰有海陵集二十三卷爲子準所哀

論曰才彥仗節絕域與蘇子卿比烈宜其兄弟子姓並受寵榮而卒不免秦檜之忌何哉道弼骨鯁茂振堅貞皆行人之上選也德言文學致身數歷中外居誇畫錦出奉皇華雖亦見忤權相而能以功名終福以位隆幸矣

范閻李潘傳第二十

范同字擇善江甯人登政和五年進士第再中宏詞科累至吏部員外郎紹興八年假太常少卿接伴金使時劉光世韓世忠不協岳飛自列校拔起世忠與張俊頗忌之同乃疏言師克在和夫抵剛果彊健之士以氣相高始由小嫌寢成大釁然古之賢將急公家棄私仇捨怨忘忿終成令名者蓋不乏人陛下拔用才傑禮遇親賢備極榮寵固將憑藉忠力掃除腥穢一清寰宇恢復祖宗之業而道途竊議以爲將帥忘輯睦之義記纖介之怨或享高位而忌嫉軋已或

通傳六

五

恃勛勞而排抑新進審如是他日必有重貽聖慮者欲望明示至意及其細微易於改圖使之視春秋諸卿以爲戒追漢唐名將而踵其迹豈惟社稷是賴而勛名寵位尤享始終亦陛下保全之德也詔劉與諸將帥尋除中書門下省檢正諸房公事權吏部侍郎兼實錄院修撰遷給事中轉翰林學士拜參知政事嘗獨見奏事爲秦檜所忌言者希意劾論遂罷與祠檜意未已責授左朝奉郎祕書少監謫居筠州後復朝奉大夫提舉江州太平觀移池州旋以太中大夫知太平州年五十二卒

閻彥昭字德甫建康人寄居溧陽性敏悟善治繁劇輕財尙氣初自浙西帥司機宜監六部門遷太府寺丞除倉部郎奉使淮東參議浙東江西帥幕轉兩浙運判奉祠乾道九年卒年七十九贈右奉直大夫子晃昂晟晃子一德歷知江陰建昌二軍及泰真二州

李處全字粹伯溧水人原籍豐縣從兄處勵字勤仲性剛行高知上元縣因家焉累仕至知衛宣二州處全好古博學慕劉宰之爲人工詩文字畫尤道麗登

紹興庚寅進士第累官宗正寺簿太常丞知沅州提舉湖北茶鹽祕書丞兼禮部郎遷殿中侍御史歷知袁處贛舒等州卒葬深水西南大石山著有晦菴詩集一卷從弟處權字巽伯嘗知衢州著有松菴集處厚著有舍利泉記從子柄字子權知無爲及舒二州亦有聲同時李兼字孟達建康人嘗知台州有惠愛卒之日吏民爲罷市著有雪巖集爲楊萬里所賞

潘彙征字泰初建康人記問該博議論純正宗濂洛之學登嘉定甲戌進士第廷對剴切杜範爲湖州錄辟爲儀真文學劉宰深器之薦於朝歷番陽推官安慶教班改知崑山縣邑號難治人咸服其廉平再調繁昌告歸自號鶴山狷叟尋卒

論曰范同調和諸將之疏洞中肯膺武人之龜鑑也其與秦檜始合終離得補過之美矣閻彥昭之才識李處全之風雅潘彙征之潔清皆能以吏治自見懿矣哉

金陵通傳卷七目錄

第三十一冊

趙三捷 曾孫鑑 富澤 王景雲 鑑子龍澤

姚鏞 五世孫敬重 十四世孫宗儒 七世孫行

第三十二冊

吳柔勝 子淵 潛 泳 元孫銓 裔孫復興 應舉

第三十三冊

鄭夫 陳序 陳己 徐洪 尹起莘 王安

第三十四冊

江萬里 弟萬頃 汪立信 子麟 趙時隋

第三十五冊

陳鉞 侯蕃 諸葛舜臣 季可 朱南強 曾孫純 裔孫士章

第三十六冊

樊澗 宗人仲式 張文盛 嚴晃

通傳七目錄

趙姚傳第三十一

趙三捷字公武溧水人父林宋宣和中自南陽來隱句曲旋買田溧水之南置別墅焉人呼爲趙莊三捷好學不仕作族譜及論後文數十篇諱諱長者言也愛魏良臣之幹敏以女妻之子震字廷發建炎戊申進士官國史院編修震孫鑑字叩之美丰標而蘊藉近人朋遊間以衛洗馬目之性好施子里中饑者多賴以存活授學官不赴元初薦歷江西行省都事知婺源州封句容男時同縣王景雲字仲慶宋咸淳中亦以薦爲清流主簿嘗指貲周卹貧乏與弟景華相友愛至老不異居建怡怡亭以爲遊宴之所鑑子龍澤雷澤宗澤匯澤從子泳澤

龍澤字萬里性孝友元時有司舉教授官雷州清道寨巡檢甫就職卽棄去歸

通傳七

養會汝穎兵至大掠執龍澤求貲逼使拜龍澤曰吾家世習儒義不受辱兵怒殺之并其子權雷澤時以兩浙鹽運司判官居憂且滿行臺檄督餉屬縣弟匯澤及子棟從行惟長子楷在里初城且陷宗澤妻衛氏謂棟婦夏曰事急矣汝姑年高而汝媿劉夫在也或可免惟吾與汝年少且夫出不豫爲計必辱夫子吾與若甯死也夏曰吾意亦然卽共赴池水劉氏楷妻也聞之歎曰嗟乎吾夫且不自保能衛我乎亦死於水後楷卒爲兵所害事聞贈龍澤浙東帥府照磨楷南安尉雷澤字師舜初以才選爲建甯路推官通敏練達首修朱子祠並嚴訟牒禁淫祀平反冤獄徐孝等治行稱最翰林杜本爲撰德政記詠澤字師聖至正中辟兩浙運司掾屬才識明決鑑孫居仁名本以字行明洪武中以薦辟授通政司右參議累遷至左通政以苦節自勵家無蓋藏其孫省之止給鈔二貫令徒步歸聞者愕然永樂間出治水浙江居仁曰艱哉斯役人成之而潮毀之徒使吾民死版築耳以文請海神潮三日不至功乃成

姚鏞字希聲號敬菴宋熙河統制古孫也古以靖康末援汴不克後隨高宗南

渡卜居溧水遂爲溧水人躋舉嘉定丁丑進士官吉州判官以平寇功擢知贛州志在棲隱嘗繪己像爲騎牛圖趙東野題詩詠之云騎牛無笠又無籤斷甌橫岡到處過暖日暄風不常有前邨雨暗卻如何尋遭劾歸終身不出著有雲篷集古七世孫敬重字克仁元末由儒士授溧水訓導明洪武初薦送翰林院考通五經除駙馬府學錄兼五經博士獻治政章擢左贊善歷左副都御史太子賓客卒諡文林先生賜寶鈔百貫弟文重由明經儒士授王府教授高皇后賜以列女傳一部古九世孫行字本達由儒士歷至戶科給事中永樂六年擢湖廣左參政安邊有功迭蒙恩寵時人榮之古十六世孫宗儒性純孝事父母曲意承順與人交無貴賤遇之以禮有友陳某病篤藥之死棺而葬之仍善視其後居家蒔花竹以自娛人稱隱德君子云

論曰溧水之境枕山帶湖民風醇美其深僻之處爲兵革所罕到故宋室南渡避亂者恆樂居之若施氏司徒氏芮氏諸族是也

諸族皆見通表

趙姚來溧實在宣靖之間而子孫代有間人甲於諸族其尤足異者趙氏諸婦視死如歸節義之風

名高仕宦矣

通傳七

二

吳氏傳第三十二

吳柔勝字勝之其先宣州人父丕承爲溧水教授娶茅城劉氏遂家焉柔勝性嚴毅生平不妄言笑宋淳熙八年舉進士登第丞相趙汝愚才之除嘉興教授浙西使者將薦用會汝愚去御史湯碩劾其救荒浙右爲汝愚收人心又嘗黨朱熹之學不可爲士子率名入僞學籍中自是屏廢十餘年每以行事當否驗學力淺深嘗曰士以大節爲本大節有虧他行莫贖故終不改其操嘉定中起爲國子博士愿建康府通判司農寺丞出知隨州時和議復成禁諸郡勿開邊隙有梁臯者金人盜其馬臯追而與之鬪前守懼下諸獄柔勝至破械出之以狀報金而已嘗拔扈再興孟宗政隸帳下後皆爲名將又招亡命千人爲忠勇軍築隨州棗陽二城及補葺營壘甚備先是州經兵火井里爲墟至是稍還舊觀焉尋除京西提刑領州如故改湖北運判兼知鄂州甫至歲大饑乃乞糴於湖廣全活甚眾徙知太平州最後授秘閣修撰主管亳州明道宮卒贈太師魏

國公諡正肅葬茅城祀青溪先賢祠長子澤字說民澤子珩璜珩孫鉛鉛子臬
字舜舉元時官臨江路儒學教授著有吾吾類稿

淵字道夫柔勝第二子也五歲喪母哀若成人幼端重稍長力學登嘉定七年
進士第除建德主簿丞相史彌遠許爲國器欲以開化尉處之力辭就辟江東
改差浙東制置司幹辦公事父憂服除知武陵揚子二縣兼淮東轉運司幹辦
公事添差通判真州入厯將作丞監密院編修兼刑部郎祕書丞以直煥章閣
出知平江府並節制許浦水軍提點浙西刑獄會衢嚴盜起調遣將士招捕以
功改密院檢詳諸房文字兼國史編修實錄檢討進左司右文殿修撰樞密副
承旨廷議欲用兵中原以據關守河爲說淵力陳不可大要謂國家之力決不
能取縱取之決不能守鄭清之不樂出知江州未幾邊事果敗清之致書引咎
改知鎮江府定防江軍之擾兼總領淮東財賦遷太府少卿集英殿修撰權工
部侍郎入對厯陳九事丁內艱詔以前職起復辭弗許乃貽書執政曰人道莫
大乎事親事親莫大乎送死苟冒哀求榮則平生大節掃地矣公家尙安用之

通傳七

二

時丞相史嵩之方奪情議者懼淵觸其怒淵弗顧復上疏竟得請久之加寶章
閣待制起知鎮江召赴行在嘉熙二年以直學士知太平州措置采石江防尋
兼江東轉運使兩淮流民入境亟加慰撫且使什伍相保擢華文閣學士知隆
興府江西安撫使歲大祲講行荒政全活甚眾又兼都大提舉浙西沿海諸州
軍許浦澈浦等處兵船三年權工部尙書沿江江制置副使知江州兼提舉南康
軍兵甲公事節制蘄黃安慶屯田使湖南峒寇屢入江右破數州袁洪大震淵
遣將出師生禽渠魁遷兵部尙書復知平江兼浙西兩淮發運使進端明殿學
士沿江制置江東安撫使知建康府兼行宮留守節制和州無爲安慶二郡屯
田仍付以光豐蘄黃之事凡期司空山燕家山金剛臺三大岩嵯峨山鷹山什
子山二十二小岩圍丁壯置軍屯分直隊伍星羅棋布列上興利除害十五事
軍民賴之淳祐四年擢資政殿大學士簽書樞密院事封金陵侯淵乃增府學
先賢祠創義莊修明道書院建錦繡坊於府治之左上爲忠勤樓皆帝賜題額
復築鍾壽堂於郡圃上爲鍾山樓從容嘯咏尋進爵爲公徙知福州并福建安

撫使被劾改甯國府辭提舉洞霄宮寶祐三年起爲觀文殿學士京湖制置使知江陵府兼總領湖廣江西財賦湖北東西軍馬錢糧四年又兼夔路策應軍馬許便宜從事調兵二萬往援川蜀力戰於白河沮河玉泉五年正月以功拜參知政事越七日卒贈少師諡莊敏淵爲人有材略然政每尙嚴弟潛數諫止之著有易解及退菴文集奏議子三瑾璋珮瑾官承議郎瑾子實先實信實先子鍾字子豐一字足軒元時官縣丞實信子鉉字子玉一字省菴好遊山水水鵬不辭鉉弟欽字敬之至正中避亂居郭村港

潛字毅夫一字履齋柔勝第三子也嘉定十年登進士第一授承事郎簽鎮東軍節度判官改簽判廣德軍歷祕書省正字校書郎添差通判嘉興府權發遣本府事轉朝散郎尚書金部員外郎紹定四年遷尙右郎官因都城大火上疏略曰陛下齋戒修省恐懼對越菲衣惡食必使國人信之毋徒減膳而已疏損聲色必使天下孚之毋徒徹樂而已闔宦之竊弄威福者勿親女寵之根萌禍患者勿昵以暗室屋漏爲尊嚴之區而必敬必戒以恆舞酣歌爲亂亡之宅而

通傳七

四

不淫不泆使皇天后土知陛下有畏之心使三軍百姓知陛下有憂之心然後明詔二三大臣和衷竭慮力改絃轍收召賢哲選用忠良貪殘者屏回邪者斥懷姦黨賊者誅賈怨誤國者黜毋並進君子小人以爲包荒毋兼容邪說正論以爲皇極以培國家一綫之脈以救生民一旦之命庶幾天意可回天災可息弭災爲祥易亂爲治且言重地要區當豫畜人才以備患又貽書丞相史彌遠論事一曰格君心二曰節奉給三曰振恤都民四曰用老成廉潔之人五曰用良將以禦外侮六曰革吏弊以新治道尋授直寶章閣浙東提舉常平倉辭不赴改吏部員外郎兼國史編修實錄檢討遷太府少卿淮西總領又告執政用兵復河南不可輕易以爲金人旣滅與蒙古爲鄰法當以和爲形以守爲實以戰爲應自荆襄首納空城合兵攻蔡兵事一開調度寢廣百姓狼狽死者枕藉使生靈肝腦塗地得城不過榛莽之區獲俘不過曖昧之骨而吾之內地荼毒如此邊臣誤國之罪不待言矣聞有進恢復之畫者其算可謂俊傑然取之若易守之實難征行之具何所取資民窮不堪激而爲變內郡率爲盜賊矣

今日之事豈容輕議自後與師入洛失亡不貲卒如其言俄遷太府卿兼權沿江制置江東安撫使知建康府領行宮留守疏論保蜀護襄防江備海之策端平元年應詔陳九事曰顧天命植國本篤人倫正學術畜人才卹民力慎邊事權楮幣圖盜賊以直論忤時相罷奉千秋鴻禧祠改祕閣修撰權江西轉運副使兼知隆興府主管江西安撫司擢太常少卿奏造斛斗輸諸郡租寬卹人戶培植根本凡十五事進右文殿修撰集英殿修撰樞密都承旨督府參謀官兼知太平州五辭不允又言和戰大計宜急救襄陽等事貽書執政論京西既失當招收京淮丁壯爲精兵以保江西權工部侍郎知江州不拜改權兵部兼檢正論士大夫私意之蔽以爲襄漢潰決與汚破亡兩淮假擾三川陷沒欲望陛下念大業將傾士習已壞以諍專察羣情以剛明消眾慝營於有位各勵至公毋以術數相高而以事功相勉毋以陰謀相訐而以識見相先協謀并智戮力一心則危者尙可安而衰證尙可起也又請分路取士以收淮襄之人心試工部侍郎知慶元府兼沿海制置使改知平江條具財計彫敝本末以寬郡民授

通傳七

實謨閣待制提舉太平興國宮改玉隆萬壽宮試戶部侍郎淮東總領兼知鎮江府徙寶謨閣直學士兼浙西都大提點院治權兵部尙書浙西制置使申論江海團結措置等事進工部尙書轉吏部兼知臨安府乃論艱屯塞困之時非反身修德無以求亨通之理乞遴選近族以係人望而俟太子之生帝嘉納兼侍讀經筵俄以寶謨閣學士知紹興府浙東安撫使不赴提舉南京鴻慶宮復授華文閣學士知建甯府丁母憂服除轉中大夫試兵部尙書兼侍讀徙翰林學士知制誥改端明殿學士簽書樞密院事進封金陵郡侯以早乞免遷資政殿學士提舉洞霄宮起知福州兼本路安撫使徙知紹興府浙東安撫使召同知樞密院兼參知政事入對言國家之不能無弊猶人之不能無病今日之病不但倉扁望之而驚庸醫亦望而驚矣願陛下篤任元老以爲醫師博采眾益以爲醫工使臣輩得以效牛溲馬勃之助淳祐十二年拜右丞相兼樞密使明年以水災罷除觀文殿大學士提舉洞霄宮又四年授沿海制置大使判慶元府積錢百四十七萬三千八百有奇代民輸帛前後所蠲幾六百萬以久任丐

歸進慶國公判甯國府還家尋召爲醴泉觀使兼侍讀入對論畏天命納民心
進賢才通下情帝嘉納拜特進左丞相改許國公時元兵愈迫潛奏今鄂渚被
兵湖南擾動推原禍始長由近年姦臣愴壬設爲虛議迷國誤軍其禍一二年
而愈酷附和逢迎媼阿諂媚積至於大不靖臣年將七十捐軀致命所不敢辭
所深痛者臣交任之日土游之兵已踰黃漢廣右之兵已踰賓柳謂臣壞天下
之事亦可哀已又論國家危亂之原蓋自近年公道晦蝕私意橫流仁賢空虛
名節喪敗忠義絕響諛佞成風天怒而陛下不知人怨而陛下不察積成兵戈
之禍積爲宗社之憂章鑑高鑄嘗與丁大全同官傾心附麗躡躑要途蕭泰來
等羣小噂沓國事日非浸淫至於今日願陛下稍垂日月之明毋使小人翕聚
以貽善類之禍沈炎竇趙興憲之腹心爪牙而任臺臣甘爲之搏擊姦黨盤據
血脈貫穿以欺陛下致危亂者皆此等小人爲之乞令大全致仕炎等與祠高
鑄羈管州軍不報屬將立度宗爲太子潛密奏曰臣無彌遠之才忠王無陛下
之福帝怒卒以沈炎劾落職命下中書舍人洪芹繳還詞頭不聽諫建昌軍尋

通傳七

六

徙潮州責授化州團練使循州安置賈似道必欲死之乃使武人劉宗申守循
慶欲毒之不得因移庖就潛潛食後得疾語人曰吾將逝矣夜必風雨大作已
而果然四吏開齋撰遺表作詩頌端坐而卒時景定三年五月也德祐中追復
原官贈少師著有履齋遺集弟源字逢其官屯田郎中潛字璞字元美寶祐四
年進士官至吏部尙書遷居河上垵今高澆地璞弟琳字禹玉一字存吾與璞同登
進士第累官通判婺州元時討台賊楊應龍有功升江東招討使琳弟瑜官奉
禮郎璧朝奉大夫璞子寶謙官治中寶禮官轉運使寶謙子銓字子衡元延祐
元年領江浙鄉薦除湖州錄判轉進義副尉集慶路錄判擢監察御史時造佛
寺於壽安山銓疏言人君當好者四曰修身任賢勤政愛民所不當好者六曰
佛法道法游玩田獵聲色刑罰力諫成珪等不當竄逐遷御史大夫從護軍宣
城郡公歸里第寶禮子鎬鑑字子明一字響潭工八分楷篆元時官浙江廉
訪典書琳子寶儒字叔武元時官南雄路總管寶儒子鈇字子彥以廢官福建
鈔庫提舉仕至知未陽縣缺弟鑰字子啟號拙逸築室顏曰寄傲廉訪使陳齊

以歲貢儒吏薦辭不就瑜子二榮華璧子二員資潛八世孫宗周嘗重編履齋遺集

泳一名海字宗臣柔勝第五子也嘉定中爲著作郎因臨安火上疏略曰京城之災陛下所見也四方有敗陛下亦得見之乎夫慘莫慘於兵而連年不戢則甚於火酷莫酷於吏而頻歲橫征則益於火閩民困盜浙民困水蜀民困兵橫斂之源旣不澄於上苞苴之根又不絕於下譬彼壞木疾用無枝而內涸之形見矣進起居郎端平中論掉邊十事不報尋進學士時蒙古日逼帝頗悔用兵召泳草罪己詔御史王萬曰兵固失矣言之甚恐亦不可今邊民生意如髮宜以震厲奮發興感人心因爲條具事宜泳從其言以草詔略曰數年之間多難已甚屬讐金之寢滅而蒙古之興鄰速合謀成破蔡之功恐假道有滅虞之勢心之憂矣膺可噬乎又曰兵民之死戰鬪戶口之困流離室廬靡存骸齒相望是皆朕明不能燭德有未孚土無以格天心下無以定民志今方施令發政以爲綏輯之圖補卒蒐乘以嚴守禦之備想瘡痍之溢目如疾病之在身詔出人

通傳七

七

爭誦之弟洽一名澄字雍吾官著作郎洽弟濟字巨川一字度卿官祕書正字著有廉靜集泳子琬徙居南塘洽子球琪濟子珏

錯字子堅號拙善柔勝玄孫也元時領江浙鄉舉歷大理司直祕書正字著作佐郎太子副司經國史院編修與纂大元通禮擢太府丞嘗築樓於南園取繼先烈之意顏曰紹芳又柔勝裔孫復興有文名嘗跋楊詡佩玉齋類稿至明有名關者字子榮亦柔勝裔其先遷孝豐正統六年以殷戶應南京會同館幹辦遂復籍應天子玘玘子本清本清子恂字守信品學並著尤以孝稱關弟慶慶子學學子昇昇子循俱葬焦婆井循子瑾葬石子岡瑾子文耀字晦之應天諸生時溧水有吳應舉亦其族也任俠好義邑有興建輒捐助千金不惜累舉鄉飲賓

論曰吳正肅以理學爲名臣經濟卓然儒者之實功也道夫毅夫宗臣克嗣其業位望隆重而無救敗亡小人間之故耳子孫繁衍歷元明而未替根深葉茂豈不信哉

鄭陳陳尹傳第三十三

鄭夫字揚庭建康人得邵氏易學於王天悅嘗云乾坤大父母也復姤小父母也乾一變生復得一陽坤一變生姤得一陰乾再變生臨得二陽坤再變生遯得二陰乾三變生泰得四陽坤三變生否得四陰乾四變生大壯得八陽坤四變生觀得八陰乾五變生夬得十六陽坤五變生剝得十六陰乾六變生歸妹本得三十二陽坤六變生歸妹本得三十二陰乾坤錯綜陰陽各三十二生六十四卦云其論易大概如此著有時用書十三卷明用書九卷易傳辭三卷易傳辭後語一卷

陳序字彥育句容人從蘇庠學詩受知於浙西轉運使向伯恭妻以愛姬并薦於朝除官和州文學終敕令所刪定嘗遊鍾山題入功德水菴壁云寒騎瘦馬度山腰目斷青溪第一橋盡是帝王陵墓處野風荒草暝蕭蕭十年塵土暗衣巾亂走江鄉一病身西第將軍成底事北朝開府是何人意蓋有所諷云著有碧巖集

通傳七

八

陳已字九成其先自豫章徙建康居鎮淮橋西之竹街已幼能屬文長通經術晚厭科舉學潛心義理家起看山樓吟詩著書以自適淳祐中江東安撫使薦於朝將表章之遽卒著有周禮詳說四書講義南窓漫錄建康志人表同時句容有徐洪字德遠居政仁鄉皓首窮經不求聞達翰林鄧光薦爲撰墓碑尹起莘字堯菴建康人隱居不仕著朱子綱目發明十卷留守別之傑進於朝卒葬新亭鄉之印塘村又上元王安字石城寶祐中官衢婺招討使罷官隱衢之翠微山

論曰鄭揚庭之善易陳彥育之工詩樸學華詞相爲表裏讀其所著略見一斑陳九成著作之富尹堯菴討論之精皆遜跡隱淪名雖聞而身不見蓋宋當季世君子甘爲鴻之冥而不願爲虎之變云

江汪傳第三十四

江萬里字子遠一字古心句容人寄籍都昌以太學士舍出身登寶慶丙戌進士第賈似道辟爲參謀以峭直見忌累官至參知政事進右丞相似道以去要

君帝至泣涕拜留之萬里以身掖帝曰自古無此君臣禮陛下不可拜似道不可復言去似道不知所爲下殿舉笏謝萬里曰微公似道幾爲千古罪人然以此益憾之萬里亦上書辭祿詔爲湖南安撫使知潭州嘗請益師救襄樊似道不應力求歸鄉里元兵入湖鄂失守萬里先鑿池芝山後圍顏其亭曰止水人莫喻意及聞警執門人手曰余雖去位誼當與國爲存亡遂與子錦俱赴止水死贈太師益國公諡文忠弟萬頃字古崖以南劍州知州家居亦被執罵虜死厥後其子孫奉萬里遺衣冠歸葬句容建祠崙山世祀之祠久漸圯其裔名左偉者復修焉知縣趙天爵爲撰碑

汪立信字誠甫號紫源其先自六安遷建康居興政坊涓祐中立信登進士第理宗見其狀貌雄偉顧侍臣曰此闔帥才也除烏江主簿建康府通判累至京湖制置使遷沿江招致大使襄陽圍急移書賈似道曰今日之事十去八九君臣宴安不以爲虞酣歌深宮嘯傲湖山欲拱揖折衝不亦難乎又力陳三策以爲內郡何事多兵宜盡出之江上距百里而屯屯有將十屯爲府府有督無事

通傳七

九

則往來游徼有事則東西齊擊戰守並用此上策也許輸歲幣以緩師期俟藩屏稍固生兵日增可戰可守此中策也二策果不得行則天亡我矣銜壁與櫬之禮請備以俟似道得書抵諸地曰瞎賊狂妄敢爾立信眇一目故也諷臺諫劾之改兵部尚書立信歸金陵上書請祠德祐元年元兵渡江復起爲江淮招討大使與似道遇蕪湖似道拊立信背曰不聽公言以致如此因問立信何向立信曰今江南無一寸乾淨地吾去尋一片趙家地上死第要死得分明耳至建康守兵悉潰立信知事不可爲歎曰吾生爲宋臣死爲宋鬼但徒死無益奈何率所部數千人至高郵欲控引淮漢以爲後圖已而聞似道師潰歔歔曰吾今日猶得死於宋土也乃置酒召賓佐與訣夜爲表起居三宮趨步庭中慷慨悲歌握拳撫案者三三日失聲扼吭而卒贈太傅後伯顏入建康命求其家厚卹之曰忠臣之家也家人金明以其喪歸葬溧水之都堂山子麟內書寫機宜文字在建康不肯降元崎嶇走闔以卒從子天麒爲撰年譜初立信之未仕也家窶甚會歲大稔吳淵帥江東命爲粥以食流人一見立信奇之禮爲上客曰

此君吾地位中人後卒不負其賞識云同時六合趙時暉宗室子也端平三年元兵至總轄李江降時暉死之

論曰萬里寄籍都昌而歸葬句容立信僑居建康而近葬溧水或有首邱之義或合土斷之宜不得謂非金陵人也二公忠義大節與文謝並傳過閭則式過墓則下激頭起懦聞風興起亦百世之師哉

陳朱傳第二十五

陳鉞字宜之號月觀建康人居慈湖事繼母至孝優於理學宋咸淳七年以進士第三人及第時賈似道當國同舉者邀鉞啟謝鉞不可曰天子親擢上第宰臣何以謝爲似道不悅除鎮巢軍判官又不附似道者有六合季可爲監察御史嘗與同官陳過疏論其黨朝野快之鉞尋爲江東制置使所辟元兵至不署降名有司根捕甚急乃衰服詣轅門不拜命攝府學教授不受月俸託疾歸所作詩文止書甲子學者稱慈湖先生著有慈湖文集其子在元時附儒學籍同時侯蕃字仲宣句容人居通德鄉講貫經義不入城市諸葛舜臣自號清微觀主居茅山皆以國亡不仕又王先辛字長庚溧水人咸淳三年鄉舉沈大椿六合人嘗爲眞州判官亦以隱終

通傳七

十

朱南強字德方句容人弱冠試賦有聲補太學生宋亡不仕隱居縣西之古隍溪水東流林木如洗因自稱東溪鄉人別號醜醜會歲大饑爲粥以食餓者遠近咸目爲善人著有醜醜稿年七十三卒王去疾銘其墓趙孟頫書之今附祀鄉賢祠曾孫純字子一明洪武中除本縣教諭卒後亦祀鄉賢稍後有士章者字俊明性孝友好讀書住古隍山莊蒔竹吟嘯自號竹山居士山南有顏尙書墓士章捐田八十畝山地一百二十畝以供祭祀里人感其義建祠於顏墳後以報之江永年爲之記焉永年自附江賓王傳又朱家根亦南強裔也嘗從顧起元遊以所藏南強訓子詩求爲跋

論曰慈湖醜醜諸人隱居不仕皆爲宋之遺民而醜醜尤有德於鄉里至今過古隍者流連風景如見其人葭蒼露白之詩可以諷矣

樊張嚴傳第三十六

樊淵字浩翁句容人宋德祐元年江南初被兵淵奉母遁於茅山爲邏卒所獲母不行將加以刃淵時年十七抱母痛哭願以身代卒矜其情各截其髮縱之元初以儒貢從事行省欲迎養而母不待居喪哀毀副使廉希愿促還職再三弗應服闋行臺召爲掾亦不就歲時展省於暮春秋薦奠於家朝夕饋食於室如親之生存時鄉鄰述其孝行上聞及旌表命下希愿爲大書旌表孝廉樊氏之門八字淵母旣喪十五年乃愿仕浙西廣東憲府選廣東清遠縣主簿卒祀鄉賢宗人仲式受易於新安胡炳文同郡李桓服其文今所傳有重修社稷壇碑

張文盛字彬之句容人曾祖慧祖仲父端信世有隱德文盛穎悟力學工草隸尤邃於醫蓄方藥以濟人宋末元兵入建康守者宵遁兵四散掠笏縣文盛與兄文浩侍母谷疾守死不去先鋒至欲兵之兄弟泣告曰母病不良於行請以身代帥義之曰孝子也去之且禁麾下勿入其里又予之檄使招集流散後以計然術致富晚好吟咏自稱巽隱翁客遊淮南與名士唱和卒歸葬黃塘

通傳七

十一

嚴晃溧水人宋末登武進士第元兵渡江晃負母避亂猝與兵值兵刃其母晃以身蔽之刃中其頸終身不能仰視年七十八乃卒
論曰元起北方蹂躪中土泛江東下建康迎降似可以止其凶鋒而殺掠不已民罹其毒欲逃無所骨肉流離樊張二君孝念脫誠義感悍卒嚴晃蔽母受刃頸偏不舉疾風勁草爲人子者可以蹶然興矣

端木氏傳第三十七

端木萬深水人其先居汴京曹門曾祖某爲蕭氏贅婿宋南渡初蕭氏通判江甯某與俱來寓居烏衣巷久之隨蕭遷深水之囑山有地名東邨遂定居焉大署其門曰曹門端木氏某孫彥彥生萬宋末爲進義校尉以材武雄於鄉統縣兵爲保障盜不敢犯民懷其德卒後立祠祀之同時郭淵字巨川六合人父諡以詩書化其鄉宋末多盜淵築城堡以拒守入元爲耆宿尤多義行嘗叱丞相奴振鼎還金救醫柘妝人世稱盤城先生宋濂爲之哀辭淵孫士言書學善諧論說驚人濂嘗稱爲奇男子元末貢國學後以兵亂死豫章弟士中與義焉士中亦工文好遊萬子省省子壽皆以樂善聞壽子時中沈酣經史善爲詞章時中子安安子邦遠字國用幼孤能自立每以澤物爲務借貸而不償者輒焚其券邦遠子復初

通傳八

復初字以善元末爲小吏明將常遇春鎮金華召致幕下未幾辭去高帝知其名召爲徽州府經歷令民自實田粟爲圖籍積弊盡刷稍遷至磨勘司令時官署新立案牘填委復初鉤稽無遺帝嘗廷譽之性嚴峭人不敢干以私僚屬多貪敗復初獨以清白免洪武四年起拜刑部尚書用法平杭州飛糧事覺逮繫百餘人詔復初往治誠僞立辨知府以下皆服罪明年出爲湖廣參政令民來歸者復其賦一年流亡畢集以治辦聞坐事召還卒子四仁慷慨有奇氣義能負荷家事弗貽親憂孝文孝思最知名

孝文名禮孝思名智皆以字行少從金華許謙門人遊循循雅飭有士君子之行永樂中孝文以儒士官翰林待詔使朝鮮朝鮮重其才將厚賄之孝文曰吾持一節來耳請以一節返無何孝思亦以儒士官兵部員外郎兼翰林侍書復使朝鮮孝文勉以詩亦以一節還朝鮮爲築雙清館以表之得孝思寸楮卽寶之曰此小史碎金也卒後皆祀深水鄉賢其子孫繁衍在天順時有宏字仲仁號坦齋以進士官浙江布政使在嘉靖時有鈞萬厯時有整有鑾皆能詩又有

彬好施子萬麻戊申大水倡義振濟置義田八十畝凡族子誦讀昏喪莫不有助稍後有汝洋字崑北一字大瀛溧水貢生官宿州訓導汝洋子茂杰字伙公國朝順治八年舉人與茂杰同時有象震

象震字東侯父兆龍以厚德稱象震由諸生例授中書從征貴州督餉有功以同知管貴陽府事轉黔西知府改補都勻會西苗作亂率兵搃其穴不日授首黎平繼叛獨決首惡餘皆釋之無一冤者琅邪山苗出沒狡悍不馴以計縛致階下調廣州知府入排搖以掠奪爲事爲懸賞購捕增立營伍舊患頓除以病乞歸卒弟象謙

象謙字天益少從秀水朱錫鬯遊與修日下舊聞由貢生例授彭澤知縣輕耗羨除雜派禁盜詰姦恩威並著及解任民號泣攀留不得未幾卒立像於三賢祠祀之弟象師字容民以武生充拔貢時文武許互試江甯朱鵬字秩斯順治十七年以文生中武舉曹賢字愚溪康熙中以文生中武舉弁成進士官至靖海守備皆象師之比也象師從子長法以監生例補遷安知縣養士愛民詞訟無擾象謙子長淑

通傳八

長淑字又苟當父卒時年甚幼其生母挈之返江甯定居長干西街苦節撫孤故長淑遂占江甯籍端方自守以恩貢生終子廷楨廷松廷楨字蔚亭幼承父教爲文敏速手鈔之書盈尺充乾隆癸酉拔貢生廷楨子六煜炳煜杰焯焯煜字映成與弟炳皆諸生嘗因事貸戚友金會家日落罄所有以償逋或勸自留餘地毅然曰甯飢寒決不負人受者咸感服子均字泰階性誠懇父卒母老貧不能娶躬執炊以供甘旨三十年如一日舉家稱其孝卒無子以弟之子錫殿嗣

炳字肇新少習舉業後爲人貿易有折閱傾貴償之子埴字月鋤幼慧讀書日數行下旣補諸生性耽幽寂嘗攜琴裏精茗獨遊鍾山白雲寺飲一人泉操絃聽松風謾謾相和以爲樂工詩詞所作不自收拾多散佚卒無子煜字星垣號敬齋乾隆庚子舉人庚戌進士除戶部主事綜覈利弊吏不敢欺尋以母傅目疾請告歸遂不復出所學自經史及辭章靡不貫然不以自鳴里

居三十年恂恂如諸生時子埈字序之諸生以孝友稱埈弟埭字子疇貌清古
長身鶴立弱齡作梅花詩有飽經霜雪無寒相能返陽和亦大才之句爲其師
江浦韓印所賞既補諸生枕經靡史尤喜離騷旋以優貢得知縣未謁選大學
士祁寯藻保薦內閣中書俄丁母憂歸廬居雨花山安隱寺不入城市旣葬每
晨必徒步二十五里在省墓兆陰雨積雪無閒服闋補典籍性兀傲不與時俗
諧獨居京師布衣蔬食無儻從之奉出門卽以御者爲僕最惡權貴人意所不
愜必面斥之書得顏平原家法小楷尤工同治初元手繕經史粹言進呈光緒
十二年又獻讀史法戒錄皆蒙 留覽尋充會典館總纂升侍讀以疾卒年七
十三著有名文勛行錄賦源楚辭啟蒙粉粲錄有不爲齋詩文詞凡若干卷
杰字俊民號過庭嘉慶癸酉舉於鄉明年成進士改庶吉士散館授編修植品
峻潔肆力古學未幾卒子址墜壁皆諸生墜字梅溪尤篤實自守

焯字葦之一字棟華號蓮峯乾隆壬子舉人選授金山教諭卒官諸生感其教
育有送喪至江甯者子型字式之年十九卒焯痛之凡書囊文篋悉火以殉型

通傳八

三

弟陞璽屋皆諸生璽字宇卿者學好古終年坐僧寺古柏下破帽垢衣人罕見
其面遇所契者則淪茗論文辯析經義或有俗客來輒相對默然遭亂旅食河
南晚歸里卒

焯字次劉號雲樵嘉慶庚子舉人友于最篤淡於仕進以書畫自娛子場諸生
燮字理堂廷松子也少篤學潛心經史及唐宋諸大家文以諸生困場屋乃援
例爲福建巡檢非其志也子克慎諸生克慎弟坦

坦字履之幼穎異父愛之甚不令縱讀然經史過目輒不忘甫冠卽與從叔焯
同舉於鄉嘉慶十六年成進士除內閣中書道光四年充雲南鄉試副考官差
旋供職京師簡淡寡營不逐逐於聲利轉補典籍出爲實慶府同知代理新甯
縣事吏事精敏上官將以卓異薦坦力辭遽乞養歸家貧無以自給主安慶敬
敷書院講兩載謝去卜居城北青溪里巷閉戶課子滿洲青麀坦受業弟子也
道光季年督學江蘇試畢來謁弁索其子文閱之曰可以試矣至明年科試按
臨坦終不令其子與試其狷介如此晚愛浙西湖山之勝往遊焉遷居於嘉興

咸豐十年賊犯杭州倉卒渡錢塘江至蕭山卒時年已逾七十矣

心寅字賓賜一字亮亭號畏軒亦萬裔也寄籍上元父藝先早卒心寅時甫七歲哀過成人八歲入里塾家貧祖母日給錢二必留一以奉母稍長因母病胃輒徒行二十里求藥年餘母患頓失性敏悟善屬文侍郎方苞見而異之曰子其勉之他日不愧賢裔也旣而遊荊州困蹟者十餘載乃北至京師習官廩錢穀事直隸總督方觀承聘入其幕爲經始江甯義田觀承深倚仗之先是父喪未葬誓不議婚至年三十八始娶俄由監生考授主簿發往河工乾隆二十八年補靜海縣主簿先計捕蝗境獨不災迎養母於官署視膳稍減輒廢食母老疾涕泣叩天剖臂肉以進筋被割斷創處凸起如赤李狀終身掩護見者心恻母沒廬墓三年繪親像自隨朝夕必拜食飲必祭復好施予族戚之貧皆周卹之除夕於路傾囊解裘救負債者之死服闋補文安縣主簿駐蘇家橋自號又泉老人以蘇洵嘗爲是職也地瀕河修備早潦二牘奉檄勘荒避雨樹下水及馬腹不怯不倦爭振必得請乃已晚年以誠名齋遂以目其詩文集年六十三卒於官喪歸士民泣送從祀鄉賢孝弟二祠子從恆字秩山年四十妻亡不娶教子極嚴弟從恂早卒其妻郭孝子鴻之女也無子從恆以己子嗣之稍忤母意痛撻不少貸誠於祀先祭必竟日日非是無以妥先靈也祭器皮藏高閣雖燕饗弗敢用祭之日躬自漑濯年七十餘卒從恆子大申咸豐中避亂居杭州十年粵賊犯浙城陷死焉

通傳八

四

論曰端木萬捍衛鄉里與六合郭淵同其義舉復初父子清廉之節世濟歐美而孝文孝思緯之以文名播東夷懿矣哉子孫綿延以金陵一支科第爲最盛心寅仕宦雖卑而至孝蒸蒸報以俎豆有餘榮焉

溧南孔氏傳第二十八

孔宗善字潼孫號約齋至聖五十三世孫先居浙之平陽宋德祐末官建康教授遂家金陵元伯顏入建康宗善上謁軍門請示不殺以取信於民伯顏大服禁止擄掠斧令孔氏挂名江南儒籍中江南儒籍者建康古之學所請立也當元兵初入時平章阿朮居明道書院軍士蹂躪日甚之學邀集同志請於伯

顏徧給榜文招安秀才由是諸學絃誦不輟建康路學儒人百六十五戶明道

南軒書院上元江甯縣學各有儒籍宋末故家如包秀實字子華上元人陳仲

謀吳景伯皆實祐中進士董烈字子勳丞相魏之後嘗知池州房元龍字乾甫官懷遠軍節度使

相安石之裔以貢生趙崇同句容令戴俊卿謝克仁皆進士楊公溥中進士剛子

孫相繼皆以科第儒術仕進顯榮其家之學之力也同時又有蔣山太平興國

寺僧妙高一名夢池字雲峯軍人索金以刃擬頸妙高厲聲曰欲殺即殺吾頸

豈汝磨刀石耶軍人擲刃而去伯顏聞之加敬焉寺賴以濟宗善子文昇文昇

文得文昱吳興人

文昇字退之娶於溧水因家游山鄉元初除上元教諭常州學正皆不就遂薦

為歲貢儒人吏書往宣城時凌時中為憲幕賓一見甚喜時中子師德正讀書

侍師作蘭花詩時中暮歸即命文昇同賦有風流得似謝家郎句時中稱賞已

懷建康府牒欲授之乃故謂文昇日子宜歸豈有謁人求仕者乎文昇不樂遂

去對其館賓曰吾以凌公長者故相投耳非千里謀謁也公既不我識我亦不

通傳八

就此謀矣人生豈止於是耶時中聞之遣僕急追不及更大喜曰吾所以試之

乃灼見其英氣如此隨發牒取補書吏文昇未至家而溧水縣已奉江東廉訪

檄敦請矣時至元三十一年以入仕獲免雜役鋪夫賤隸本州悉放除之文昇

夙與貢仲章善其父南漪深賞之至欲納為婿每折行輩敘賓主禮寓秀野堂

者三年後數相見敬愛如初一日廉訪使徐炎謂曰書中有女顏如玉試為我

屬一對文昇即應曰道上行人口似碑炎大喜文昇又以律詩呈炎炎題其後

曰吾退之天資穎異筆力過人擅江淮之英本鄒魯之氣觀此佳章未能走和

甚覺吾老邁矣吾退之當勉力為政以繼前修則吾深有望也其為名流推重

如此嘗與弟文昱纂曲阜平陽江南宗譜文昱字光昭大德中浙西廉訪使辟

主采石書院文昇子克齊

克齊字行素一字肅夫居岳山建室曰靜齋故又以靜齋為號焉孔肅夫金陵

為誰何然楊嗣佩玉齋類稿謂肅夫構靜齋又至正直記為克齊撰讀書志跋

云克齊字靜齋金陵詩徵及讀書志皆朱司馬緒曾撰齊肅之字義又相聯貫

故定為卽以薦授黃岡書院山長召為國史編修嘗懷憤時嫉俗之意於閨門

閩里過失無所隱諱然亦不肯掩人之美著至正直記四卷其裔孫在明正統時則有節之安一

節之夙以詩名嘗一夕賦梅花吟百首爲衍聖公所奇
安一性好施子嘗於歲饑出穀二千石以振在弘治時則有份二

份二爲人偶儻不羣以涇溪距縣治遠詞訟稅糧必經石臼湖之險民甚苦之與同縣劉鑑三夏祐三籲請分設高涇縣治許之時有二三分縣之謠又南塘圩爲永豐圩外灘弘治二年鑑三請於當事築埂開墾遂成沃壤三萬餘畝人頌其德不忘也孫宏溢亦尙義嘗佐知縣劉啟東與宣城訟馬政歲省驛傳銀千七百餘兩在正嘉時則有貞慎諸人

貞慎字用禮高涇諸生品高行潔經術湛深著有詩經便覽三書論目史綱私議春秋閫微及詩文集宗人惺當嘉靖中出穀振饑施棺掩骼族中貧者爲婚嫁之鎬亦出粟濟餓者并捐貲告復馬場田以子忱貴贈鴻臚序班忱字思信性嚴正嘗發廩振饑捐廉修學又與族人守時捨屋基以拓宗祠累官至甯州

通傳八

六

同知在萬厯時則有四可諸人

四可字願之力學修身老而不倦官上林苑典簿著有易解四遊集金蘭翰墨玉蘭堂集其二女亦能詩時同族有名應震者嘗詠尋真觀古柏詩有名衍昇者嘗詠禪河菴詩

一儒字惟道官益都縣丞性情惇篤撫弱弟有恩從弟一德由貢官光祿寺監以孝友著一望諸生善事親好施予萬厯二十六年大水與宗人貞言出粟振饑著有四書毛詩日知錄貞言字慎餘官四川都司經歷一德子應隆涇糧改折首發其端謁闕里祠廟深爲衍聖公所重應隆從弟應紀五歲喪父哀慟幾絕九歲母疾刲股療之應模慷慨慕義里有鬻妻者出金以完其偶在崇禎時則有衍緒諸人

衍緒字懋述官黃岡知縣見賊勢日逼度不能守乃遣長子興瑞歸奉母與次子興玖竭力備禦城陷一家十八人皆死縣人劉朝講爲題象贊

瑜一名興伯字元胄諸生性至孝父喪守古禮以母在不敢廬墓及母死廬墓

三年哀動行路生平不喜浮屠家言粹然儒行甲申後棄帖括不事專治詩古文辭著有逸園集

向嘉字鶴翀號胥翁既補諸生與婁東復社相應和明亡絕意進取布袍幅巾行歌野哭以終生平耽心著述網羅百代以經證史以史注經名曰經史大成凡百卷吳偉業爲之序未及梓孫起攜之曲阜宗人毓挺錄其副藏於闕里廟廷焉入國朝康乾以來則有楷及毓儀諸人

楷字殷潢歲貢生性孝友好義俠康熙二十五年大水捐金築浮山圩堤以禦之并攜酒食以勞役人不日竣事四十七年歲又荒餽同縣張自超金自超卻之以詩有眾饑天所憫獨飽忌鬼神欲以推君惠難躋萬家春之句楷得詩卽出粟助振自超聞之曰君惠躋萬家春矣楷又請於巡撫蠲縣中租稅并倡修學宮櫺星門及戟門躬謁闕里討尋宗派輯有南支宗譜雍正十年舉鄉飲大賓焉

毓儀初名幼儀字端蒙號北園贈文林郎綿山子也康熙三十八年舉於鄉

通傳八

七

四十二年成進士除內閣中書出知直隸豐潤縣事邑舊苦養馬之役詳請豁免除旋以憂歸服闋選授四川溫江知縣改山西交城知縣值大旱道殣相望毓儀捐俸給棺木縣有積穀萬石太原知府行牌撥給鄰境不應盡以散本境饑民復開龍門渠引汾水以灌田又清編審積弊丁隨糧行貧苦免累并除蠹吏一人人稱神君尋署文水知縣檄振平遙介休災查核無遺調潞城軍需浩繁未嘗科派未幾乞歸卒年七十六平生爲治聽斷明決而心崇寬簡尤愛養士類兩爲鄉試考官得人爲多其於親族加意篤念計祿入粗足自給餘悉分散焉從弟毓綬字泗儒以貢選授宿松教諭從子傳鶴傳煜鐸傳浩傳鶴字鳴皋性至孝以貢生應赴選京師因父老病侍養不出生平不立異媿俗而品概自卓焉

傳煜字煥章性孝義嘗刲股療親疾每歲暮必計村中貧者給米穀又捐置木支祭田以祀其先云

鐸字振鐸毓善子也諸生性嗜書善記誦并尙義俠嘗倡捐以修漆橋往來者

便之鄰里咸推爲長者

傳浩慷慨好施憫固城湖中舟多觸石以溺夜間尤甚每當夏漲田易被潦乃築楊墩以護浮山圩堤且設燈臺以照宵濟入感頌之子繼楷從子繼相皆貢生以孝義著族子繼怙繼年

繼怙少孤事母孝母病嘗糞以驗其甘苦宗族稱之

繼年字竹圃拔貢生乾隆中與同縣諸生周蔚起王良士偕修縣志深陽毛鳳鳴其契友也相與講誠明之旨後選補繁昌教諭蔚起字厚也耆學工書與周蓮爲忘年交暇則徵事數典風雨不懈著有學庸釋義運字紫芳良士亦品芳行潔繼年從子廣週廣迎廣選廣業廣信廣英廣俊

廣週字月川恩貢生氣質清粹學問淵深

廣迎字蘭谷諸生嚴介自持不隨世俗
廣選字紫崖耆古好學篤信自守江甯知府劉墉嘗微服訪之談論閒試以訟事廣選勃然怒逐之出門後知爲墉也懼甚而墉嘉其狷介愈重之以諸生終

通傳八

八

廣業歲貢生性公直遇不平事輒激發出而理之著有春秋集成弁闕佛文
廣信字誠夫諸生品高潔學膽富學使廖鴻銓賞異之

廣英字載崖乾隆五十年大旱出穀六百石以振又倡建節孝祠著有一晒園詩鈔

廣俊字澹如事兄如父老而彌篤嘉慶十九年大饑捐穀六百石以振族人同輸者繼樞則入百石廣澤廣綬廣純廣紳昭馨昭逸各五百石

昭溶亦昭馨兄弟行也性介直閉門誦讀足不履公庭以歲貢生終宗人憲昂
憲鼎憲昂字千里諸生家貧學粹品尤卓犖不羣工書法與弟憲爵有雙壁之目著有懷泗堂詩草憲爵道光丁酉拔貢生亦工書

憲鼎字銘齋少孤事母孝爲諸生有文名嘗倡議禁刈固城湖水草以護圩堤著有半舫齋詩集至咸豐時又有慶壽兆勝等

慶壽性至孝咸豐四年粵賊至高清急負父逃行至宣城之橫村復遇賊賊以其父似儒者欲脅以去慶壽固求之不得乃抱持其父厲聲罵被刺死同縣諸

人理人麟從兄弟也人理母趙年八旬罵賊被殺人理護救賊並殺之人麟負母逃中途遇賊殺其母將脅人麟去人麟引頸就刃亦死

兆勝據新府志云高潛人而尙兆山曰素善刀稍威豐四年充西營義兵防石

曰湖有薛炳者與相善力戰屢破賊尋移屯白沙圩橋七月賊大至兵潰兆勝

猶與炳衝突酣鬪至禮社鎮均力竭死

論曰淳孫當擾亂之時請止殺掠其德甚厚退之氣節屹若緯以文章式穀之良也懋述忠以致身鶴狝隱以完節北園仕以得民皆出自天性非由勉強孔氏之世澤長矣

句容孔氏傳第三十九

孔杓字端卿句容人宋末隨父宦浙僑居永嘉元初從征日本遇風舟覆於海得不死遂歸句容定居遊于鄉著有東征集族子克仁

克仁讀書通大義能識時務明太祖爲吳王時由行省都事進郎中陳友諒旣滅太祖志圖中原謂克仁曰元運旣壞豪傑互爭其釁可乘吾欲督兩淮江南

道傳八

九

諸郡之民及時耕種加以訓練兵農兼資進取退守仍於兩淮間饋運可通之處儲糧以俟兵食旣足中原可圖卿以爲何如克仁曰積糧訓兵觀變待時此長策也當是時江左兵勢日盛太祖以漢祖自期嘗謂克仁曰秦政暴虐漢高帝起布衣以寬大馭羣雄遂爲天下主今羣雄譙起皆不知修法度以明軍政此其所以無成也因感歎久之又曰天下用兵河北有亭羅帖木兒河南有曠廓帖木兒關中有李思齊張良弼然有兵而無紀律者河北也稍有紀律而兵不振者河南也道途不通餽餉不繼者關中也江南則惟我與張士誠耳士誠多奸謀尙間諜御眾無紀律我以數十萬眾修軍政任將帥相時而動其勢有不足平者克仁頓首曰主上神武當定天下於一矣太祖嘗閱漢書學士宋濂與克仁侍太祖曰漢治道不純者何克仁曰王霸雜故也太祖曰誰執其咎克仁曰責在高祖太祖曰高祖創業遭秦滅學民困甫蘇禮樂之事固所未講孝文爲令主正當制禮作樂以復三代之舊乃逡巡未遑使漢業終於如是帝王之道貴不違時三代之王有其時而能爲之漢文有其時而不爲周世宗則無

其時而爲之者也又嘗問漢高起徒步爲萬乘主所操何道克仁曰知人善任使太祖日項羽南面稱孤仁義不施而自矜功伐高祖知其然承以柔遜濟以寬仁卒以勝之今豪傑非一我守江左任賢撫民以觀天下之變若徒與角力則猝難定也及徐達下淮東西又謂克仁曰壬辰之亂生人塗炭中原諸將字羅擁兵犯闕亂倫干紀行已夷滅擴廓挾太子以稱戈急私仇無敵愾之志思齊輩碌碌竊據一方民受其害士誠外假元名反覆兩端明玉珍父子據蜀僭號喜於自用而無遠謀觀其所爲皆不能有成子揆天時審人事有可定之機今師西出襄樊東踰淮泗首尾相應擊之必勝大事可成天下不難定既定之後生聚猶難方勞思慮耳克仁侍帷幄最久獲聞太祖謀略居多洪武二年四月命克仁授諸子經功臣子弟亦令入學尋出知江州入爲參議坐事死弟克讓亦有時名至景泰時而其族有彥懋性急公也先犯塞躬赴通州納米二百五十石以助軍稍後又有名騏者字萬里博通經籍以諸生教授鄉里尙孝友崇禮法遊其門者多端士所友如柏純字斯江東字東王肯堂著有肯堂集皆可容

通傳八

十

耆宿也至萬厯時而其族有夢周聞勅貞時

夢周字伯海官山西陽城典史縣有豪強爲盜窟歷任莫敢治夢周密令間謀備作盜家迹其人朱其衣以識之遂得禽治無餘

聞勅字典甫一字敦五官四川鄰水主簿攝知縣事縣有滯獄株連者眾以沒帑金未獲賊聞勅廉得其人謂曰若無恐第言金所在吾能生汝其人驚懼吐實聞勅卒爲請於上官貸其死淹繫得釋人以仁厚吏稱之卒祀鄉賢子貞時

貞運

貞時字中甫萬厯三十四年舉於鄉四十一年成進士除翰林院檢討知起居注工文章通時務慨世事之艱條上足兵足食數事優詔報聞未幾卒著有在魯齋集詒書堂類稿後亦祀鄉賢句容志以詒書堂類稿爲貞時子尙豫所作

貞運字開仲萬厯四十年舉於鄉四十七年成進士以一甲第二授翰林院編修天啟中充經筵展書官纂修兩朝實錄莊烈帝嗣位貞運進講皇明實訓稱述祖宗勤政講學事帝嘉納之崇禎元年擢國子監祭酒尋進少詹仍管監事

二年正月帝臨雍貞運進講尙書以聖裔故優賜一品服十月畿輔被兵條上禦敵城守應援數策尋以憂歸服闋補南京禮部侍郎遷吏部左侍郎九年拜文淵閣大學士時溫體仁當國欲重治復社值其在告貞運從寬結之體仁怒語人曰句容亦聽人提索矣已復揭救錢謙益鄭三俊俱從寬擬帝親定考選諸臣下輔臣再闕貞運等有所更迨命下閣擬悉不從而帝以所擇十八卷下部議行適御史郭景昌謁貞運於朝房貞運言所下諸卷說多難行景昌與辯退卽上書劾之帝雖奪景昌俸而貞運卒引疾歸居建德山下十年食不兼味居無亭榭十七年五月莊烈帝哀詔至貞運哭臨慟絕不能起昇歸遂絕粒而卒年六十九諡文忠祀鄉賢著有制誥全書詞林會典敬事章行餘草弟貞會字貢城萬厯四十年副舉人官至汝甯府通判緝貪巨盜地方以安以原官監軍督師勦寇升湖廣按察僉事貞運子尙蒙字聖初天啟四年鄉試以五策忤時已取復黜乃就父任爲尙實寺丞貞運卒未幾感憤亦卒尙蒙弟尙萃

尙萃字仁初陰中書舍人時有點胥假神語以惑眾遠近釀金祈禱尙萃以議

通傳八

十一

修祖廟歸里斥其妄作詩以諭族眾乃止子霖字傳巖孝友好學秀水曹溶爲作傳尙萃從弟尙舉

尙舉字昇甫容止岸異須髻及腹以孝行聞子衍爵字世培亦善事親行爵子與其興賢興譽興禮興譽字振聲 國朝康熙十一年恩貢生考授知縣以能詩名興禮字天秩與興基皆諸生興基子毓桂以貢生官奉賢訓導興賢子毓文

毓文字肩吾乾隆十八年舉於鄉明年成進士累官吏部郎中主湖南庚辰科鄉試洊升浙江按察使內遷太僕寺少卿弟毓昌河南靈寶縣典史興禮子毓璋

毓璋字鍾蘭一字奉裁號我山性至孝每晨必趨侍母陶側問安否視所需而敬進之既補諸生館從兄毓文所久之以子未學辭歸教之乾隆五十年大饑石米五千緡毓璋醫產周及戚屬數家無凍餒嘗以片語脫人於危人皆稱之毓桂子傳慶

傳慶佚其字博學而性剛以諸生舉嘉慶元年孝廉方正總督陶澍延教其子一言不合拂衣而去旋舉十三年鄉試嘗與同縣王應祺捐造三台閣以轉閭縣文運後選定遠教諭應祺字泰芝武生毓文子傳雋四川羅泉州判傳雋子繼珍字實臣居江甯城北石橋以諸生授寶山訓導咸豐十年粵寇犯寶山城陷死之繼珍子廣澤字潤生先死三年江甯之難毓昌子傳勳乾隆六十年舉人陝西同官知縣毓璋子傳薪字雪樵乾隆五十四年拔貢生歷官直隸任邱行唐知縣傳薪子繼廉

繼廉字簡卿性寬厚寡言精算數由國學生逢臨雍大典以聖裔恩賞州

吏目援例爲縣丞分發湖北歷署公安監利縣丞調武穴主簿時值夏漲潭子湖隄將決繼廉露立風雨中督率民夫搶築完固咸豐三年武昌戒嚴襄理軍需局籌措有方會鍾祥縣屬獅子口溢修費甚鉅大吏以繼廉善勾稽檄往勘估適賊至城陷竟以是免難尋升知縣加州衙署通山縣事以兵後請緩征免茶貢均允行坐事降級調辦荊州河防擢通判告歸卒年七十二子廣業以諸

通傳八

生官四川通判廣楷湖北典史繼廉族弟繼凝

繼凝字靜齋咸豐中辦理句容鄉團六年隨欽差大臣向榮軍退丹陽七年收復句容辦善後各局留養婦女七百餘人同治三年興復書院與知縣某籌膏火費尋卒族孫昭秉

昭秉字君夔耆古工文慷慨尚義每歲暮必邀同志陳原寬葛亮楷施衣粥以救貧之光緒三年卒原寬字培一成豐十年居蘇州賊至被脅脫歸則妻張已投水死母不知所往乃誓行善舉以求母還七年不懈賊平友某自蜀送其母歸於是善念益堅後卒於江甯亮楷字晉書諸生昭秉族弟昭緯字東山工畫又宗人式之佚其名居筆架岡善詩文舉咸豐元年孝廉方正及兵後念族人云亡輒泣不止乃卽本支有節行者錄爲一冊以紀之

論曰孔杓以泛海餘生定居句曲其有棲隱之念與克仁雍容侍從貞運贊畫中樞實與明代相終始焉入國朝以來雖無台鼎而毓文敷歷中外毓璋著名孝義以及傳慶之剛介繼珍父子之忠烈繼廉之勤幹皆能不墜其家聲云

篁本可句容人世居望仙鄉茅莊其先道源當宋仁宗時江甯知府錢公輔薦之朝不就嘗建橋以濟行人名篁橋著有文集行世又有名淨之者學導引術宋哲宗賜號守靜凝和真人徽宗時與同縣張椿齡皆蒙禮眷政和三年卒遣表以去奢去泰爲諫加諡冲隱真人今茅山有篁先生瘞劍池是也本可生當元初性至孝祖母病行禱婺源中途五鶴導舞唐桂芳有詩紀其事子孫繁衍至明初有僖志克容僖志皆從太祖起兵僖封千戶子貴征交趾有功官金吾衛指揮志從克婺源破鄧青封錦衣衛百戶子端復從成祖破大同克滄州平山東官濟陽衛指揮克容以北塞報警嘗輸粟千石助邊成祖時其族又有名昕者工詩善書自號撥雲山人永樂中徵入文淵閣纂修典禮至英宗時其族有均祥正統六年捐粟千石振饑至神熹時其族有繼良訓善書繼良字亦如其父夢楊椒山投刺而生故始名繼盛稍長從談見初遊見初以女妻之改今名萬曆十九年舉於鄉選授江西鉛山知縣有感虎之異遷山西

通傳八

五

絳州知州歲旱禱雨輒應升工部郎中忤閹黨崔呈秀削籍歸崇禎初起爲戶部郎中出知福建汀州府山賊鍾凌秀畏其威不敢犯境擢山西平陽道爲閣臣溫體仁所阻罷還與門人講易於京口月華山天心書院著有鷺湖易解鶴起齋集天心語錄卒祀汀州名宦宗人金鏡呂府志作宗鏡字長人晚號實闕農事母以孝聞工詩詞善書成教字子雨歲饑疫施粥給樽貸金不能償者輒焚其券江龍字農菴工畫繼良子昌齡字蒙衍更名共濟以貢仕至江西萬年知縣攝饒州府通判值寇亂掠賣男女捐貲贖之存活甚眾昌齡子重光

重光字在辛一字晴峯又號江上國朝順治八年舉鄉試第一與從父祖齡同榜明年成進士歷至刑部郎中恤刑陝西擢御史巡按江西有以斃五命繫獄者廉知爲仇家所陷破械出之尋劾幼明珠余國柱專權罷歸寄居丹徒徒海寇圍城絕出請援事平賜功宣屏翰賴晚好道改名蟾光自稱鬱岡真隱書尤絕倫著有書筏畫筌字略及松子閣集卒祀鄉賢宗人晉佑字裕昆康熙五十三年歲饑出麥振鄉里三月乃止遇荒必捐穀先後凡四設振焉又有彙

與琦者乾隆中歲荒皆出重貲以助振重光孫立彩字鳳初立彩弟立樞
立樞字純齋號慎之幼穎敏讀書過目成誦工詩善畫素負奇氣好植名節家
貧田薄不足供饋粥旣補諸生卽以課讀謀色養貲讓其田於諸兄乾隆五十
七年舉於鄉考取覺羅教習議敘知縣座主鐵保總督兩江延掌書記會以事
遭戍烏魯木齊親故無肯從者立樞毅然請行鐵保慮誤其選期轉堅辭之立
樞意決竟偕去抵戍後復至喀什噶爾葉爾羌歷萬八千餘里六年乃歸途病
未抵里而卒從弟立行字厚風貢生宗人銜字洛中號鐵菴乾隆十五年副貢
生自修字德新與銜同榜舉人自純字修儒恩貢生自壽字近山自淑字心儀
晚號秀野居士皆諸生佐堯字衢臣號篤生成豐元年舉人以知縣揀發貴州
歷署清鎮知縣平遠知州又有家才名義國否修儉四人皆以團練殺賊不勝
而死

論曰本可篤孝通神澤流後嗣繼良循聲卓著晚而講學蓋不得志於時者之
所爲也重光輝其祖武亦以抗直罷歸文采風流至今未沫立樞懷知己之恩

患難相從尤足以激厲薄俗矣

通傳八

金陵通傳卷九目錄

第四十一冊

楊剛中 子詡 張璽 王復元 王鈞甫 陳坤文 王進德 從子子清 偃王

立從子斯

第四十二冊

孫轍 王勳 徐朝顯 嚴瑄 蔣文秀 吳定翁 楊大同 趙煥 陰元圭 元愷 丁復 戚廷珪等 胡

澤民 夏疇 何致中 張雨 杜彬叔 陳鈞

第四十三冊

王昇淵 子元賓 孫顯 王元吉 尤六十 闕文興

第四十四冊

王茂 王德甫 德昇 袁當時 嚴謙 趙嘉 湯景賢 陳玉 夏鑑 居仁 李源 仁孫 李

炯 却伯常 楊嵐 祖儔

通傳九目錄



徐四十四冊
王長吉 伏六十 闕文興

第四十三冊

吳定翁 謝大員 趙煥 元愷 丁復 戚廷珪等

第四十二冊

王元吉 尤六十 闕文興

第四十一冊

金陵通傳卷九目錄

金陵通傳卷九

江甯陳作霖伯雨纂述

楊王陳王傑傳第四十一

楊剛中字志行上元人大父遂任朱知黃陂縣父公溥宋鄉貢元進士官至婺源州知州追封上元縣男剛中幼厲志操家貧力學篤行養親與兄敏中同居雍睦無間言師事導江張璠爲世名儒行臺移治建康任官者皆欽其品望辟主江甯縣學升郡學錄正轉徽州路儒學教授丁外艱服闋除平江路教授未赴擢福建閩海道蕭政廉訪司管句承發架閣庫兼照磨至則獨處公署行李蕭然顏所居曰霜月齋御史行部至必加禮貌寮案與之言必稱先生會行科舉江西省臣聘主文衡所拔皆知名士有以不及貢額爲疑者剛中謂朝廷科目取士選貴精審不宜以碌碌者充數聞者是之遷江東廉訪司照磨復校文江浙秩滿授河南衛輝府錄事不赴改文林郎江浙儒學提舉修舉學政丞相脫歡薦爲翰林待制承務郎兼編修官月餘謝病歸學者稱通微先生爲文奇

通傳九

奧簡澀動法古人元明善極歎異之卒年七十四著有易通微說詩講義霜月齋集瓊字達善其先蜀人徙居建康聞金華王柏得朱子之傳往從之遊至元中爲江甯學官講說特精後爲孔顏孟三氏教授江左所謂導江先生也著有經說及文集行世剛中子嗣

嗣字文舉少承父訓工詩善八分書集慶路府判孫怡老以女妻之至正中官休甯主簿歷提舉江浙學校太常博士元政亂還金陵明太祖入集慶徵爲纂修官後以謫死嗣性好古嘗建長宜齋以貯鼎彝著有佩玉齋類稿弟牖字文開亦有集妹柔勝適龍興路學正深水孔友益讀書通大義嗣子元碩嗣集中金陵耆舊姓名可攷者王造字依中至正時吳縣主簿後避兵居光福造子諶字之常喜爲詩尤精醫教授於鄉諶子瞻明洪武中蘄州訓導燕敬字叔誼嘗題詩慈谿定水寺天香室廖毅字宏道能書善行文馮椿字庭幹喜吟咏雷秉義字直方嘗書雷山義泉於德恩寺古井闌以及楊宗訓爲撫州守劉建中爲南臺御史陳希賢爲贛州學正王中父爲信州照磨明道書院山長張子逸寓

官馬彥輩中山處士王某其著述可考者胡天祺譯史余東卿秦淮棹歌江永之雷鍾小篆唐本道九曲韶語李謹之詩藁其堂字可考者趙漢章居句容秦淮發源處築松澗堂葛信民居溧水起索齋柳翼居秦淮造有融齋皆有關於鄉邦文獻云

王復元名泰來以字行其先由大名徙金陵遂爲建康人宋末復元以詩鳴於時舉鄉貢入太學棄去放浪江湖間元至元中與葉季同召見於集賢殿論事每至夜半命中使及衛士秉炬導歸以爲常將授以官力辭歸卒年七十三有集行世子謙字一和至正中官寶慶路總管同時溧水王鈞容字受甫自稱三湖居士至元二十五年膺薦辟知江陰縣革火化溺女之俗擢戶部郎出知廬州府尋以疾歸

陳坤文字獻可宋鳳翔公希亮之裔自蜀遷金陵遂爲建康人坤文幼事父孝者學忘倦於家傳易學尤邃元時三以進士貢禮部晚年江浙行省聘主慈湖書院不就每旦焚香讀易客至論文賦詩盡歡而罷大德十年卒年八十葬鍾

通傳九

二

山吳澄志其墓子琦江甯學官廣西路教授琛蘄州路教授璞甯國路教授琚常州路從事

王進德字仁甫上元人事母涂以孝稱與兄君祥君玉相友愛仿范仲淹法立義莊以贍族郡學火爲構講堂置禮器又買宅一區割田九頃創建江東書院朝錫以額設官掌其教天祿二年卒年八十四葬石子岡妻子氏有淑德子子雲子森孫瑜瑄璐瑄璉琇珥璿而玉最知名玉字振伯吳澄爲作字說焉君王子子淵子滄子澄

子清字寅叔君祥子也少孤事母張篤孝母病衣不解帶居喪不處內屏酒肉未葬衰絰不去身性喜周恤親友婚喪皆有資助歲凶疫施米藥不出主名嘗從吳澄遊澄甚重之子珩琚瑣璫進德瑄徐應隆涂煥章呂元知趙良弼于德淵戚光皆有文學光字子雲江甯人官集慶路訓導至治三年臺掾楊益得天發神識碑於草間光與教授湯彌旦謀昇置廟學門左素熟於江南掌故著有

僕玉立字世玉本高昌部落居僕鞏河因以僕氏祖合刺普華元至元中官廣東鹽運使遇賊戰死葬溧水其後遂爲溧水人文質官正議大夫吉安路達魯花赤玉立登延祐五年進士歷湖廣僉事海北海南廉訪使以文學節吏治著有清源續志弟直堅泰定元年進士朝吾至治元年進士列旉至順元年進士而哲篤以篤行著哲篤字世南玉立第二弟也延祐二年進士官至廣東廉訪司僉事被劾歸居溧水買田宅延師教子尋移居下橋家法修整每旦諸子皆立寢門外省謁父母非通報傳命則不敢入暮亦如之童僕無故不入中門俄復起用官終工部尙書參知政事子斯字信軒以父任知嘉定州明初除尙寶司符寶郎再使高麗出爲河間知府洪武七年擢戶部侍郎進尙書十年謫山西布政使十三年升禮部尙書致仕歸卒祀鄉賢

論曰志行父子文行並著儒林之望也泰來昂高獻可學邃雍容近侍之間浮沈教官之職不降不辱二人有焉子清世南好義秉禮鄉閭感德子弟興賢東漢之風於茲未墜矣

通傳九

三

孫吳趙丁胡傳第四十二

孫轍字履常江甯人少孤母蔡教之讀比長事母純孝家居教授門庭蕭然而考德問業者日盛轍與人言一以孝弟忠信爲本部使者長吏以下仁且賢者必造焉轍樂易莊敬接之以禮言不及官府憲司屢辟不就晚寓臨川江西行省以遺逸舉力拒之學者稱澹軒先生年七十三卒有集行世吳澄爲之序時以母教成名者建康王勳字成之世爲儒學門族僕其母甚賢勳幼時母令其侍孔宗善讀書訓之曰汝親近官人學作好人我當紡績供汝衣食且買書與汝讀他日得免賤隸我含笑入地矣旣長試吏至府架閣爲母乞趙孟頫志墓勳生壁字長文爲州案牘官溧水徐朝顯字公達父本刀鐮者母方震屬其夫遷居於鄉先生李士良宅旁且曰令子在腹中日聞書聲朝顯旣生五六歲卽日誦千餘言長習舉子業以能文稱士良字仲舉至治元年進士官至餘姚州判朝顯同縣嚴瑄字儒珍隸卒子也幼失怙母令從湯景賢學中至正十一年進士除分宜縣丞辟江浙行省掾史蔣文秀亦溧水人母賢明訓之習舉子業

累科不第至正中納粟補官後以才擢憲職

吳定翁字仲谷江甯人幼歲有成人之量長清修文雅與孫輒俱寓居臨川而名相將最善爲詩揭傒斯稱其幽茂疏淡可比盧摯省臺辟薦相望終其身不爲動程鉅夫嘗貽書曰臨川士友及門者踵相接也何相望足下耿耿如玉人而不可得見乎定翁每曰士無求用於世惟求無愧於世時以爲名言又建康楊大同嘗曰士大夫不得受小人辱莫受君子辱其語亦耐十日思焉

趙煥字仲章溧水人學業該洽官儒學教諭父卒葬西亭山廬墓不仕四方學者多宗之尊爲亭山先生宗人由儕字德齋自稱中山居士同時句容陰元圭字君錫初官池州教授辟江浙行省掾遷杭州主簿以母老乞歸世稱石澗先生卒贈溧水州判元圭弟元愷字君舉歷台州學正崇德縣傳貽書院山長世稱東野先生

丁復字仲容其先自天台徙金陵遂爲建康人元延祐初復遊京師與楊載等同被薦辭不就放情詩酒浪迹江湖三徙居復家金陵城北地極幽僻有園亭

通傳九

四

之勝古檜列植左右蒼茂若雲客至款坐亭上翛然自樂著有檜亭集九卷同

時能詩者六合成廷珪字原常一字禮執

時六合屬揚州故元詩選作揚州人後又分爲江浦地今白馬鄉成姓聚

族而居皆其後也

與江甯孫允誠婁所性句容王止善相唱酬允誠李桓甥也廷珪著

有居竹軒集嘗贈同縣善琴者郭節之詩云六峰隱者吾故人得天下名亦琴

耳節之亦有聽琴詩卷又上元張復字光奉與同縣喻詢張士安俱以工吟著

胡澤民字宗尹號華隱句容人曾祖元震祖南父庭桂世有隱德澤民性孝友

家著書頗富士人求書者必於胡氏之門生平儉約布衣終身明窓淨几湛如

也卒葬城南五里岡子體仁字長卿亦有文學同縣夏疇字君範好學能文尤

工駢儷顏其亭曰疊玉著有北村集杜彬叔失其字家有菊泉堂唐桂芳爲作

記陳鈞字公秉一字太和歷官湖南權茶提舉著有靜住集其題通寂觀云松

風醒酒病蕉雨應棋聲佳句也何致中字鶴齡與舒迪字道原者俱號華陽山

人其詩如秋日云苦吟生白髮歸夢繞青山雨久琴絲潤風清扇影閒山居春

暮云苦棟吹香柳絮飛杜鵑聲裏夕陽微惜花誰唱留春曲山雨滿簾春自歸

皆有逸趣又張雨字伯雨茅山道士自稱句曲外史工詩與句容陳仲揚爲友著有貞居集

論曰孫轍篤於儒行吳定翁工爲詞章而皆以隱逸終其身所謂皎然不滓者非耶趙煥孝而能文其品與轍相似丁復胡澤民等風流儒雅爲世所宗遭元不說學之時甘沈淪於草澤鴻飛冥弋人何慕焉

二王允闕傳第四十三

王昇淵上元人當元之初以才名著江左意不可一世獨奇其子元賓以爲非常人元賓待徵錄作元質字國寶少從楊剛中學事親孝交友義善料成敗知世變決

意不仕元賓子顯字徵仲自號溪漁子性脫略不羈讀書恥爲章句嘗來往江淮間結交大俠異人與林石張穀皆負高世志人目爲狂每鮮衣怒馬行眾人中見者爭觀之否則被汙垢短衣逐躡市人後市人呵之不辭也後忽盡悔所爲買書數千卷伏讀之爲文章奇偉伉健然恥以自名嘗曰漢無儒者惟賈誼諸葛孔明耳唐陸贄粗有識然不足以幾王道所貴乎學者將以輔天地所不

通傳九

及耳不然多讀書何爲明初不仕方孝孺謂其遠利詭隱爲一世奇士云著有南唐烈祖開基記五卷

王元吉上元人元末歲饑元吉年甫十四與兄行糴秀縣遇盜將劫之兄恇懼走匿元吉不爲動徐罵曰庸縣官使吾運粟許夫防我而未至若殆防夫邪後有粟車數十兩若善防後車無顧我盜以爲然羣散去御史大夫福壽在集慶陳也先潘甲聚兵稱元帥索餉城下福壽憂不知所出元吉請見曰寇新集粟悍難與爭鋒宜開城門陳芻粟示將饋之者而以好言誘其來取彼聞吾言莫測深淺主者必自來吾以計殺之而制其餘人易矣福壽從其言潘甲果自來執而誅之也先遁去會明興元吉噤不言世事隱市肆中

元六十江甯人以父六十歲日生故名六十力負萬斤途人或不識誤與競六十不怒更好謂若且來吾與若語遂持其襟袖掉至廊下以一手援柱起引其人之裾壓柱下人始知而懇之乃舉柱出衣其力有時發不可忍則急走山中遇大樹拔之連仆數株力稍稍殺矣長日不出則取徑寸大繩十許丈以指摺

之寸寸斷以是爲嬉娛勇名聞遠近而性不好鬪俊傑眾人中頰首徐步若無儻石力者人皆目爲奇士

闕文興建康人從軍漳州爲招討司知事妻王氏名醜醜與俱行會陳弔眼作亂元帥完者都討之賊乘高據險人莫敢進文興薰薪焚其營多斬獲賊走入畚洞已擁眾攻漳州文興竭力捍城身經數十戰死於陣王氏被執義不受辱乃給賊曰俟葬吾夫卽汝從也賊許之遂脫得負尸還積薪焚之自投火中死至順三年贈文興侯爵諡英烈王氏曰貞烈夫人立廟於死所賜額雙節云論曰王昇淵祖孫三世皆以豪邁得名儒而近於俠者也王元吉奇才機警當有事之秋而猶辱在泥塗福壽能用其言而不能其身宜其終致覆亡矣尤六十天生神力而自能韜晦安匹夫之分所以免禍耳闕文興夫婦忠義並著僅爲列校何所展布哉身後褒榮晚已

王袁趙夏居李楊祖傳第四十四

王茂字伯昌其先自曹縣徙建康遂爲江甯人茂性忠孝博學工文元至正中

通傳九

六

登進士第累官至戶部尙書出爲福建行省左丞丁內艱屬明兵下福州因返江甯太祖詔奪情授刑部尙書力辭安置安慶以老疾放還號東村老人著有東村野老詩稿同時句容王德甫字體仁元末官眞州知州旋歸隱明初累召不起自號菊叟從弟德昇當至正中卽累辟不出時稱王氏二隱

袁當時字良所溧水人元至正十七年舉於鄉避土寇亂卜居中山遇茅山道士授以方書遂懸壺遁迹明初端木孝文欲援引之竟不可得著有秋堂賦詩集同縣嚴謙字益之元末隱居自稱胥溪隱士明初徵辟不起永樂中赦知縣趙文振祭其墓

趙嘉字景先句容人性敏着學元末隱居明洪武十二年以博學薦不就嘗自贊云謂爾爲儒學不逮古而粗能讀其父書雖忝有司之薦而乃推而弗居謂爾爲農四體不勤而手不曾把犁鋤然則何爲者閭閻偃蹇之士山澤之癯也夫又湯景賢字思齊亦句容人洪武中力辭徵辟構屋祖塋耕田教子以詩酒自娛同縣陳玉嘗與唱和玉字溫瑜博學能文永樂中以人才舉祕閣修書拜

官不就卒於家著有雪崖集

夏鑑字文明溧水人少有氣節抵掌談天下事謂易理耳第弗能就時格當元季竟不仕掃一室藏先人遺書兀然其中曰足老我矣家故貧性孤潔無所合人迹罕有及其門者久之諸巨族習其名爭延致之而鑑弗許也老而授徒鄉里門下多雋才會明太祖起或語之曰先生不顯門下必有顯者鑑大笑曰爾欲以北海太守榮鄭康成乎著有溧水志略及漁樂集學者稱漁樂先生年七

十五卒

是爲高淳夏氏之祖

居仁字仁恕句容人元末隱居明初徵入朝太祖與對奕賜以內醞辭歸不仕闕軒面竹披閱經史世稱瞻菴先生同縣李源字克中明周易理數之學精書畫自號無益居士以碩德徵亦不就仁孫安字處謚號卧雲處士德孚於家安子輔字相之以重慶府通判遷青州值邊事騷擾歲歛民饑輔振恤有方民懷其德

李炯字孟言上元人少學詩於楊維禎維禎有重名吳江顧某嘗邀遊汾湖建

通傳凡

七

康孫煥與焉炯詩得其義法元亡自號樗散生賣藥於金陵市時隱於賣藥者又有郝伯常自稱青溪釣翁

楊嵐字子山烏江人

今江浦境

避兵臨安淮張迫典書記不就遁迹平望後遷黎里

號黎村逸叟

祖儁字志遠號澹齋晚號丹湖溧水人元亡隱居不仕家湖陽里明永樂中召修大典七年書成不欲受官與楊欽同丐歸欽字琛齋其從子深與當塗知縣張岩之子皆從儁受詩學儁既歸與同縣夏鑑魏文綬邢養浩王以文袁均齋共徜徉三湖間其所往來者又有句容劉復初建康王誠同縣謝季彰陶文昭夏友直徐友等卒年八十三著有繼杜甫高淳諸生工詩著有石岑集儁九世孫登慕溪藏於家逸溪從子一麟字仁甫高淳諸生工詩著有石岑集儁九世孫登第字閻仙當 國朝順治間與族人必寬重輯丹湖集五卷登第子嗣英嗣薦梓之及乾隆中有裔孫有光字臨川亦能詩

論曰王茂袁當時諸人皆以元時遺老遭遇明盛頗蒙辟命放逐還山何其高

歟祖僑躬襄大典之役卒能進退裕如麋鹿之性不受羈絆白衣徵去白衣還
殆揚鐵崖之流亞也

金陵通傳卷九

通傳九

弟作儀參訂甥鄭謙校字

八

金陵通傳卷十

江甯陳作霖伯雨纂述

陳孫傳第四十五

陳遇字中行上元人高祖義甫宋翰林學士始自曹徙居建康曾祖執中淮南都統制祖文德溧陽州判父辛之元淮南鹽提舉遇天資沈粹篤學博覽精象數之學元末爲温州教授已而棄官歸爲明道書院山長閒居一室署曰靜誠學者遂稱靜誠先生每夙興禱天願生聖主以救世明太祖渡江聞秦元之名招致之元之一名從龍字習菴官南臺侍御史與周良卿邱某爲金陵二老旣至薦遇於太祖太祖發書聘之引伊呂諸葛爲喻遇至與語大悅遂留參密議日見親信太祖爲吳王授供奉司丞辭及卽皇帝位三授翰林學士皆辭乃賜肩輿一乘衛士十人護出入以示榮寵洪武三年奉命至浙江廉察民隱還賜金帛除中書左丞又辭明年召對華蓋殿賜坐草平西詔授禮部侍郎兼弘文殿大學士復辭西域進良馬遇引漢故事以諫除太常少卿禮部尙書皆固辭

通傳十

帝自是不復強以官久之帝從容與言曰卿卽老不欲仕有子令帶刀侍衛遇曰臣三子皆幼學未成請俟異日帝亦不强也遇自開墓之始卽侍帷幄帝嘗問保國安民至計遇對以不嗜殺人薄斂任賢復先王禮樂爲務廷臣或有過被譴遇力爲解多得全釋其計畫皆秘不傳而寵禮之隆勳戚大臣無與比者帝數臨幸其第語必稱先生或呼爲君子終身不受爵年七十二卒賜葬鍾山董倫誌其墓弟遠字中復幼喜弄筆墨遇見之叱曰吾豈他無一長汝乃習其下者乎然終不能止自後遂精繪事嘗隨遇侍帝永樂初爲翰林待詔子孟顥善書遇子恭洪武十七年始行鄉試恭首登其選是秋遇卒恭居喪不及會試太祖卽授以官歷至工部尙書有能聲迨革除間避地至甯波宣德中其孫始還南京後無所聞至國朝乾隆時其裔孫其璣以醫顯家藏洪武時賜遇手勅人多見之者其璣字玉衡博通內外科臨證兢兢遵古方而運以心裁謂其子榮曰醫以活人非求利也榮字近光事親孝崇尚節儉旣補諸生卽習醫以外科知名與林屋山人爭席嘉慶二十三年舉於鄉一上京師卽謝歸專務濟

人家既裕贍及族姻性剛介不諧於俗而士君子皆敬之著有痧證辨惑疹病簡易方瘟疫合訂傷寒雜病說年七十一卒榮子同善字繼之諸生亦知醫

臨川李聯琇嘗贈以聯云儒生博

物須知藥藝術活人無過醫

孫炎字伯融句容人大父文嗣父顯卿皆爲儒炎身長六尺餘面黑如鐵一足偏跛談辯風生雅負經濟才與夏煜同師丁復爲詩嘗對飲拈韻各出奇相勝每得一雋語搥案大呼譁聲撼四壁由是狂名滿江東明太祖渡江與煜及楊憲俱辟爲掾炎請招賢豪以成大業從征浙東擢池州同知尋改池州爲華陽府卽知府事明年召爲行省都事克處州授總制命招致劉基等基不至以寶劍贈炎炎作詩封劍還之爲書數千言開陳天命基乃出見置酒與論古今基歎不如是時處州城外皆賊城守無一兵會苗軍作亂執炎幽空室脅降不屈將加害賊將賀德仁以燭雁斗酒饋炎拔刀割雁且飲且罵賊叱解衣炎曰此紫綺裘乃上所賜吾當服以死引枕而卧賊俟其睡乃害之事聞進封丹陽縣男歸葬聚寶山從祀鄉賢門人上元蔣敬字行簡編其詩爲若干卷炎子毅有

通傳一

二

父風煜字允中江甯人有俊才明初置行中書省以爲博士婺州平調浙東行省兩使方國珍皆稱旨太祖征陳友諒儒臣惟劉基與煜侍鄱陽戰勝太祖所與草檄賦詩者煜其一也洪武元年使總制浙東諸府嘗與楊憲言於帝曰李善長非相才後煜爲僉事犯法太祖取到湖廣投於黃鶴磯下江中憲上元人官至中書左丞亦以不良死炎同縣攻簡有智識太祖初平友諒簡以儒士入見帝與從容語及伐漢事簡曰向敗陳氏於九江何不乘勝直抵武昌而乃引還今雖克之用力多矣帝曰汝儒者豈不聞覆巢之下無完卵乎當陳氏兵敗我豈不知乘勝躡之兵法曰窮寇勿追若乘勝急追彼必死鬪殺傷實多吾故縱之遣偏師綴其後恐其奔逸料彼殘破之餘人各偷生喘息不暇豈敢復戰我以大軍臨之故全城降服一者士卒不傷一者生靈獲全所得不已乎簡大悅服帝又嘗與諸將論用兵因諭之曰汝等非不善戰然臨事決機智或不

足宜親近儒生意蓋指簡也其爲帝所重如此未授官而卒

論曰明初謀臣以李善長劉基並稱然如陳中行者運籌帷幄決勝千里一命

不受終身布衣其品不更在二人上哉孫伯融慷慨奇士死於兵變讜藹有毒殞我王臣以視同徵之夏楊可謂重於太山矣

周楊解杜王傳第四十六

周紘字子華江甯人唐處士惟長裔也宋初自橫山遷同山紹興以來同居者九世歷二百餘年老幼于指朝夕聚處孝友惠愛人無間言紘生當元季聞明太祖渡江喜曰此仁者之兵秋毫無犯真吾主也即具糗糧往迎太祖大悅除紘武甯主簿正統中其孫鏞出粟振饑旌爲義民

楊龍溧水人世居思鶴鄉與同縣吳釗俱有材武元末盜起龍散家財以養士保障一鄉及徐達兵至溧水眾將迎戰龍曰不可今之來者非羣盜比聞其主躬行仁義乃聖人也我則願爲聖人氓請於官以全城降釗聞之亦持牛酒率諸父老犒師達上其名爵以萬戶釗不受遁去與龍俱不知所終

解道明太祖所賜名也其祖某與太祖微時有舊太祖即位後召其五子悉令從軍三子沒於陣後二子亦死太祖心憐之命抱其孫至賜籍錦衣衛爲指揮

通傳十

三

卽道也尋出成山東青州衛太祖一日召問解老而孫安在具言之立命召還調留守衛指揮裔孫元字汝慶號荆樵應天武學生充鄉舉萬厯十一年會試廷試皆第一事父曉盡色養母病封左股和藥果官中都留守徐邳參將山西副總兵守正不阿致仕歸旋卒元孫學能字夢飛崇禎元年武會試廷試皆第三

杜安道上元人以鑷工侍明太祖數十年帷幄計議皆與知性縝密不洩諸大臣前一揖不啟口而退太祖愛之累遷光祿寺卿轉太常劉基嘗贈以詩所謂當時從臣皆俊良也裔孫大成字允修居治山之麓幼者聲詩長解音律善繪畫嘗掃除一室焚香酌酒以待客自號山狂生著有晞真集

王興宗上元人故隸也明太祖下婺州以興宗知金華縣李善長李文忠皆以爲不可太祖曰興宗從我久勤廉能斷儒生能吏莫之先也居三年果以治行聞遷判南昌改知嵩州時方籍民爲兵興宗奏曰元末聚民爲兵兵散則仍爲民今兵民分矣若籍爲兵則無民何所徵賦帝曰善擢懷慶知府上計帝以事

詰諸守至興宗曰是守公勤不貪不須再問遷蘇州知府歷至河南布政使陞
辭帝曰久不見爾老矣我須亦白宴而遣之益勤其職坐累得白卒於官

論曰周紱世崇孝義居江甯者四朝矣紱以迎師功受簿領之官與楊龍吳鈞
後皆無聞豈拂衣而去不以賣盧龍塞邀寵歟解杜迹近恩倖而子孫以孝義
文學著亦餘慶所鍾也王興宗奮於徒隸累至顯官勤能之績上契君心優矣
周魏張陳蕭周傳第四十七

周楨字文興江甯人元末流寓湖南明太祖下武昌用爲江西行省僉事歷至
大理寺卿太祖以唐宋皆有成律斷獄惟元以一時行事爲條格胥吏易爲奸
詔與李善長劉基等定律令書成太祖稱善洪武元年設刑部以楨爲尙書尋
改治書侍御史明年出爲廣東行省參政時省治初開正官多缺吏鮮勸懲香
山縣丞冲敬有治行以勞卒官楨爲文祭之又列惠州知府萬迪等七人政績
以聞屬吏感動三年九月召爲御史中丞遂引疾致仕帝初卽位懲元寬縱用
法太嚴奉行者重足立律令既具吏士始知循守其後數有釐正皆以楨書爲

通傳十

四

權輿云按朱緒曾金陵詩徵有周楨字伯甯上元人明史稱爲鄱陽人江西十
才子之一官亦至刑部尙書似楨因楨字而誤然劉松權翁集云秣陵
周楨上元周伯甯豈明初自江西遷金陵歟然不敢濫登也至
路氏帝里人文略云周楨字文興長於詩則又誤中之誤也

魏資敬字觀之溧水人宋資政殿學士良臣之裔也明洪武初以通經薦除棗
強縣丞有政聲秩滿入朝擢監察御史骨鯁敢言後坐事戍夔州晚歸里卒生
平負才略重名檢尤不惑於流俗云同縣談允洪武二十三年舉人仕至右副
都御史在官執憲百僚森悚莫不懼之

張文昱字蒲塘句容人明洪武五年以薦舉仕至邵武知府清介愛民官終刑
部侍郎工詩文尤精於畫時以薦舉得官者溧水夏璿字玉成除嘉興知府廉
惠並著璿同縣劉瑛字畏所養志勤學除蕭山知縣門無私謁升戶部郎中以
病乞歸江浦鄭自強除甯波衛經歷潔靜自持赴官惟持一篋及還無餘貲卒
祀鄉賢

陳明善句容人明初以薦知六安州山賊潘文友聚眾劫掠明善使其子真討
禽之境賴以安同時馮榮江浦人知華亭縣適海濱盜初平榮言於統帥請罪

渠魁而貸民之脅從者所活數萬人

蕭叔裕溧水人明洪武中由辟召爲夔州府經歷上官知其才以吏事委之境瀕江夙藪盜叔裕計禽其魁奸宄屏迹時蜀初定夔當峽口衝守臣聚戍卒屯田其間命叔裕兼綜之叔裕按修孟琪遺迹盡水利策疲惰得穀視他屯爲倍會當顯擢而太祖持法嚴吏有小過輒刑戮叔裕素少宦情遂謝病歸卒於家同時江甯王承印字貴愚兩舉鄉試以世襲百戶掌龍江左衛印綜理屯田馭下慈斷有法遂署上考焉

周以中字道和江甯人明初知南康縣廉信有威先是民恃荒阻頗慢令以中至人信服之凡有召役給片札無敢後期者

論曰周楨精於律學所撰條例適協其中以救民初深刻之弊好生之德洽于民心矣魏資敬以下諸人雖所施恩威不同要皆潔已愛民政平訟理無愧循良之選焉

周張杜李傳第四十八

通傳一

五

周琬江甯人明初父知滁州坐事論死琬年十六叩闕請代太祖疑受人教命斬之琬顏色自若太祖異之命宥其父死戍邊琬復請曰戍與斬等死耳父死子安用生爲願就死以贖父戍太祖怒命縛至市琬怡然就戮太祖察其誠赦之親署屏曰孝子周琬尋授兵科給事中同時張頤溧水人父讓坐法當死願擊登聞鼓願代太祖嘉其孝減罪戍京師石城門千戶所

張觀字國賓句容人弟謙字國瑞當明初有與謙同姓名者坐事當死亡去有司誣謙執繫獄觀上訴不自俱論死謙臨刑曰我被誣命也奈何及兄觀曰兄弟急難我拯弟冤死何憾焉觀者莫不泣下先是園中瓜並蒂獻於朝至是兄弟以株連棄市駢首如瓜觀子時三歲與從父天逸俱戍貴州赤水衛天逸一名逸字伯安亦觀弟也事母孝兄沒善撫弟姪後復還句容子孫繁衍人又以爲瓜瓞之祥天逸子諫字直卿號孟弼宣德九年舉於鄉正統四年成進士除行人丁母憂廬墓三年有烏集芝生之瑞成化中召爲順天府尹以忤時貴出知萊州府政聲大著入爲太僕寺少卿尋卒諫孫笏字用敬以祖蔭當得官棄

不就結廬胄山下借諸老爲華陽雅集遜裔孫駿業字參伯崇禎八年貢生選鎮江教授明亡棄官歸著有北海且園二集及鹿革囊四靈考京都游覽志

杜環字叔循應天人父元字一元自吉水遷金陵有材氣能爲詩元御史臺張起巖辟爲掾不就欲以茂才異等薦又不從侍父疾目不瞑母沒服喪得古禮儒學教授張鉉以事黜出金帛資其行其子四歲失母元命婦鞠之如己子兵部主事常允恭醉臥家失火無賴子將劫之元率少年數十輩爲出其篋笥鄰人陳鼎舉室死於兵怨家害其小兒元抱大兒匿他所以免部運吏輸糧少三千斛笞撈號泣元爲貸於大賈償之御史掾趙宏中坐法罷元徒步與行百餘里僦屋居之都事楊惠被劾人莫造其門元獨持酒與飲宋楊邦乂墓在城南歲時率吉士流寓者具牲醴祭之尤工醫金陵大疫和藥走給之不得食者餽以薪米卒葬南郊鍾家山宋濂志其墓子二長琪早卒次即環也環博通經史長於翰墨明初太學建環以儒士除學錄尋入侍春坊爲皇太子所眷性謹飭重然諾好義亦如其父父友常允恭死於九江家破其母張年六十餘無所歸

通傳十

六

因念允恭嘗在金陵親友或有存者遂附舟至京師問一元家道上人以死對惟子環在其家直鷺洲坊在今金沙井中門內有雙橘樹可辨母服破衣雨行至環家環見母大驚頗若識其面者曰母非常夫人耶何爲至於此母泣告以故環亦泣扶就坐拜之復呼妻子出拜妻馬氏解衣更母溼衣奉糜食母抱衾寢母母問其平生所親厚故人及幼子伯章環知故人無在者又不知伯章存亡姑慰之曰天方雨雨止爲母訪之卽無人事母環雖貧獨不能奉母平時兵後歲饑母見環貧雨止堅欲出問它故人環令媵女從其行至暮無所遇而還環市布帛令妻爲製衣衾自環以下皆母事之母性下少不愜意輒怒環私誠家人順其所爲母以困故輕之母有疾環躬爲煮藥進匕箸不敢大聲請已環爲太常贊禮郎奉詔祠會稽還道嘉興逢其子伯章告之曰太夫人在環家日夜念少子今成疾不可不往見伯章無所問第曰吾亦知之特道遠不能至耳環歸半年伯章來是日環初度母見少子相持大哭環家人以爲不祥止之環曰此人情也何不祥之有旣而伯章見母老恐不能行給以它事辭去不復顧環奉

母彌謹然母愈念伯章疾頓加後三年遂卒將死舉手向環曰吾累杜君吾累杜君願杜君生子孫咸如杜君言終而瞑環具棺斂葬之環後爲晉王府錄事歷工部主事終於太常寺丞萬厯中祀鄉賢祠

李疑字思問上元人居通濟門外家固貧甚然獨好周人急吏部金華范景洵得疾無他子弟人殆之不肯舍杖踵疑門告曰我不幸被疾人莫舍我聞君義甚高願假榻疑許諾延坐汎室具牀褥爐竈居之徵醫師視脈躬爲煮糜煉藥旣而疾滋甚瘦矢衾席穢不可近疑自爲刮滌不少見顏面景洵流涕曰我累君矣恐不復生無以報厚德囊有黃白金四十餘兩在故旅邸請自取之疑曰患難相恤人之常情何以報爲景洵曰君脫不取我死恐爲他人得何益疑遂求其里人偕往攜以歸面發囊誌其數而封之數日景洵死疑出私財殯之舉所封囊寄其里人家遺書召其二子至則取囊按籍而還之二子以米饋卻不受反贖以貨遣歸平陽耿子廉逮至京師其妻孕將育眾拒門不納妻臥草中以號疑問故歸語婦曰人孰無緩急安能以室廬自隨哉且人命至重儻育而爲風露所感則母子皆死吾甯舍之而受禍何忍死其母子俾婦邀以歸產一男子疑命婦事之如疑事景洵踰月始辭去不取其報人用是多疑名士大夫咸喜與疑交見疑者皆曰善士善士疑讀書爲文亦可觀嘗以儒舉辭不就構聽竹軒於家方孝孺爲作記

論曰周琬張頤以乞代親死而生張觀張謙以不忍獨生而死雖所遭有幸有不幸而孝友之德通於神明矣杜環李疑重義輕財有類豪俠之行願世多貧困安得如二君者而布滿天下哉

伍氏傳第四十九

伍儒字德全其先西洋人精麻術明洪武中徵儒授刻漏科博士命占籍上元賜第古天津街後屢掌欽天監事樂善好施捨宅爲回回寺敕額清真同時鹿邑李泰字叔通一字仙源洪武三十年夏榜進士亦以博學知天文入南京欽天監籍著有十六樓集句詩月令節候考卒諡安敏先生稍後有貝琳者字宗器一字竹溪晚號拙叟其先籍定海祖可父永阜明初以戎伍至應天遂爲上

元人居成賢街琳幼穎發思脫戎籍乃往北京投太僕寺卿廖義仲欽天監五官靈臺郎臧珩司麻何洪求天象之學遂充天文生正統十四年邊警監正阜甫仲和薦琳命隨昌平侯楊洪至獨石景泰元年隨總兵石亨抵賀蘭山三年隨左都御史王翱征灑水其占候多有功擢刻漏科博士天順改元因天象示警奏對稱旨賜綵段白金升五官靈臺郎成化六年轉監副八年改任南京與弟珙居武定橋西庭植絲瓜一帶相連而異瓣侃謙以文賀之謂爲孝友之應珙字宗璧自號江村耕釣叟琳著有七政推步七卷琳子鵬鵬子仁字靜齋一字澹然由天文生授刻漏科博士好蘇氏之學文詞浩瀚因自號小坡晚年謝官杜門手不釋卷卒於家仁子幽字西山一字曇雲官五官司麻著有麻法要覽十三卷麻書小帙曇雲集雜說詩文若干卷仁子尙質字敬山號菊菴亦官刻漏科博士尙質子元禎字明吾元禎子守仕字振字皆天文生凡七世以推步與明代相終始至國朝康熙中其裔有國珍與宣城梅文鼎友善其麻法諸書文鼎多所採擇儒之後亦世襲欽天監博士秩至崇禎時裔孫浩字少西

通傳十

禮部儒士以捐資助振賜四品冠帶勅建高義坊於墓側宗人之父字從甫明季在復社有聲國初以貢生官教諭母李守節壽至一百四歲總督馬鳴珮江甯知府張羽明旌其門建坊曰貞節百歲嘉炳字君璽江甯職貢生康熙三十五年歲歉購穀助振不惜重貲時婦女肩輿出城者關胥借查稅搜看嘉炳呈請上官得免焉浩曾孫遵亮

遵亮字致遠以耆古善鑿藏稱子庭祚字宗鯉事母至孝庭祚子士祿字守旂監生性廉讓好施子嘗修林家岡至麻田大路行旅便之時伍氏知名者又有宏館字南陔號厚菴諸生豐才博學藏書極富年換書籤一次至期廣集名流作書籤之會平生樂善好義著有詩文集及攝山遊草宏杰字志三一字閑溪工醫乾隆中開館校正醫書以纂修勞敘得陽曲縣丞掄字孟琴亦諸生著有非非齋稿士祿子光瑜

光瑜字孚尹號屏秋生三月而孤嫡母楊生母陳撫以成立兩母皆好施子光瑜每事必稟命而行以族眾少常產或貧至不能自存量力周之姻戚中有緩

急濟之無恡色已充嘉慶丙寅歲貢生候選訓導遂絕意進取專以博施爲務先是里中有同善堂以恤嫠光瑜取生母陳所遺簪珥質千金助經費有勸其分立廣善堂者光瑜曰不可事分則熒滋不如協於一縷婦中有仕宦裔格於例難加恤乃於歲暮自出貲散之凡兩縣之貞烈節孝婦女俱爲請 旌入祀并記其事略以備考後復與修上元縣志焉甲戌旱災大吏檄辦賑濟光瑜時方抱疾罷然起曰事關災黎生命不可辭首捐五百金並廣爲勸募凡九閱月竣事議敘加主簿銜光瑜以羨餘白大吏儲備歉用按歲增息及癸未大水取以益賑乃知其所慮遠也又於下關設拯溺船曰生生堂每歲活人無算凡修府縣兩學宮復先賢各祠墓治鳳臺門大路濬城內支河皆助重貲以成之元甯二縣軍船之制有運籍有快籍快丁例助運丁費快費不解則催比急迫黠胥又啖快丁攀富民以魚肉之光瑜深憫其弊乃倡募捐貲權子母以供運造之費不復僉丁而百年之困以蘇厥後同縣給事中章沅以確查編審入奏御史張曾以鄉捐生息濟運備荒兩事請勿更張挪動入奏皆本光瑜之成法以

通傳十

九

爲言也光瑜年逾七十耳目聰明猶時與諸老友聯詩酒歡以自適善氣迎人雖走卒兒童亦知愛而敬之道光十年乃卒著有補園集又摹刻天發神讖碑同治十年入祀鄉賢章沅字荆帆嘉慶二十三年舉人二十五年進士出編修改御史升給事中出爲山西雁平道攝按察使多平反冤獄擢長蘆鹽運使裁陋規肅綱紀風采甚著尋卒官張曾自有傳光瑜子長齡字厚山歲貢生道光元年舉孝廉方正以知縣用辭不就敦行勵品有長者風長齡弟長華

長華字實生號雲卿少從同縣諸生吳翼元遊翼元字石倉性磊落好義工屬文爲桐城姚算所賞光瑜重之延教諸子長華得其義法舉嘉慶十八年鄉試明年成進士 廷試一甲第三名授編修歷充會試同考官浙江鄉試主考官廣東學政出爲廣西右江道轉長蘆鹽運使承鹽法積弊之後杜絕苞苴一裁以法調廣東如在長蘆時遷甘肅按察使值陝兵譟圍督署勢幾不測長華以計禽其渠鄭曼年等總督楊遇春欲盡殺以示懲長華力爭之僅戮十三人餘以次釋調雲南布政使滇藩以銅法爲重務長華察各礦衰旺及歷任樊端著

雲南銅法志旋擢湖北巡撫清訟察吏於屬部晴雨糧價等報皆目覽心記曰此民生休戚本也嗣以總督周天爵被許督審不力被議歸杜門不與外事無纖毫怨尤見辭色買田來安以爲祭祀睦族之備又買青龍山一壟以供族葬尋卒於家弟長英字芝山以舉人官至常德府同知長松長馨亦皆舉人長華子承欽字式之號退齋以道光丁酉拔貢舉十九年鄉試性剛毅人不敢干以私咸豐中避兵陝西歷主關內崇化書院講同治初歸里里中延主救生局務卽光瑜所創之生生堂也時局事多廢弛承欽毅然任之裁浮費復舊規整飭稽查不爲浮言所奪不數年經費裕如同人議送薪水資力卻不受人至今思之晚選山陽教諭未上卒年七十六著有剩餘雜詠承欽弟承吉字藹雲仕終浙江知縣長英子承平字伯衡道光十四年與承吉同舉於鄉選授海州學正水災查振挨戶無遺遷徐州教授從事軍營凡八載漕運總督袁甲三檄辦團練創建堡寨爲八團守望益力故徐雖當賊衝而卒無恙鄉團功也承平以積勞歷升直隸知州加知府銜卒贈太僕寺卿子桂生字芝孫以廕生官浙江仁

通傳十

十

和知縣升知府承平弟承宣字力臣以優貢官桃源訓導書法極工從弟承鈞字梓庭承組字雲峯皆諸生能古文承組著有原亂等篇巡撫喬松年亟賞之思樹字滋圃光瑜從子也少孤事母孝親族有告貸者必周之議敘監運副使著有補竹山房詩文集

慶祥字莘農亦浩裔也道光癸卯副貢生以州同分發安徽署六安州同改攝鳳陽知縣時皖南州縣號難治咸豐二年冬甯國知縣某以辦漕不善罷大吏檄慶祥往代至則盡反所爲眾大和爭先輸納甯國宣城壤相接宣城亦闕大吏委人往不納籲於轅謂必得伍君大吏檄移慶祥甯國人亦籲曰非伍君不能辦宣甯交請乃檄慶祥兼理兩縣徵解畢已迫歲除民爭致酒米薪芻魚肉蔬果百物略備又緡錢若干貫兩縣各爲一聚堆堂皇如山阜競告曰官徵清漕何以爲生勢不能挈家財來也吾宣甯非抗糧者前官敲骨吸髓稱貸亦不及額不得已而鋌險今官如是忍坐視乎慶祥受其酒米而卻緡錢民歡呼以去明年卸甯國事專署宣城尋卒於官

論曰伍氏以天文生世其家與明代相終始至 國朝而孚尹義惠聲聞遠近
衛丁百年積困一旦而蘇其澤之所流極廣餘慶所及實生承之顯榮褒大固
其理也莘農宰縣跡近循良亦適會其時耳既沒之後士民謳思予客甯國實
親見之孰謂斯民之無良哉

徐胡二季梅傳第五十

徐輝祖中山王達長子也初名允恭明制凡功臣懿戚子弟皆世襲勳衛占籍
應天輝祖身長八尺五寸有才氣初署左軍都督府事旋襲魏國公爵以避皇
太孫諱賜名數出練兵山東河北陝西北平元將阿魯帖木耳隸燕府有異志
捕斬之還領中軍都督府建文初加太子太傅燕王子高煦輝祖甥也聞王將
起兵竊其善馬而逃輝祖追之不及乃以聞遂見親信尋命帥師援山東敗燕
兵於齊眉山燕人大懼旣而召還諸將勢孤因相次潰敗及燕兵渡江輝祖猶
引兵力戰成祖入京師獨守父祠弗迎於是下吏命供罪狀惟書其父開國勳
及券中免死語成祖大怒削爵幽之私第永樂五年卒萬厯中錄建文忠臣廟

通傳十

十一

祀南京以輝祖爲首後追贈太師諡忠貞輝祖死踰月成祖詔羣臣輝祖雖有
罪中山王不可無後遂命輝祖長子欽嗣爵輝祖女弟妙錦端靜有識長姊燕
王妃卽仁孝皇后也次姊代王妃妹安王妃洪武末諸藩不靖代王被逮妙錦
感愜誓不適人親王求昏皆拒絕之永樂中仁孝皇后崩成祖欲以爲繼命內
侍女官往宣旨妙錦稱疾不出女官直抵榻前乃徐起曰吾無婦容不足備六
宮之選內侍歸卽削髮爲尼洪熙初元乃返初服宣德中張太后敬其高潔徵
入朝旣敘戚里自稱徐達第三女肅拜端凝不失跬步太后以下皆尊敬之隨
遣內侍護歸正統中卒耐葬鍾山賜塋欽飲襲魏國公爵永樂十九年以事罷
爲民仁宗卽位復故爵傳子顯宗卒弟承宗嗣承宗於天順初守備南京兼領
中軍府事公廉恤士有賢聲卒子備嗣備字公輔持重善容止南京守備體最
隆懷柔伯施鑑以協同守備位備上備不直言於朝詔以爵序著爲令弘治十
二年給事中胡曷等以災異陳言下獄備上書救之正德中又諫改遊語切直
卒贈太傅諡莊靖子璧奎早卒孫鵬舉嗣鵬舉字篤軒守南京五十餘年法行

廩廩姬妾七十餘人最稱福壽坐事奪祿卒贈太保子邦瑞嗣邦瑞字少軒
子維志嗣維志字冲宇卒子弘基嗣弘基字紹公號六岳性敏悟家多藏書詩
字有晉唐人風崇禎中應天旱疫救荒多善政累加太傅十七年聞北都之變
感愴卒福王立賜諡莊武子文爵嗣文爵字青君國亡爵除不知所終或曰弘
基當福王時與馬士英阮大鍼忤乞休避地吳江南都亡樹幟募兵以圖恢復
按戶責餉有陸醕儒者不應囚其弟醕儒糾三百人攻之弘基挺矛奪門出爲
叢槍所斃子文爵年十五登屋發三矢殺二人被執亦叢箭死後桂王聞之賜
諡壯武文爵弟仁爵魯王時封定南伯與定西侯張名振攻崇明戰敗沒於海
明史及徐鼐小腆紀年所載已互異如此又按徐氏家譜文爵作久爵其弟有
久勳久頤無仁爵久爵國朝授世襲阿達哈番似久爵實北去者蓋世亂
無徵傳聞不一至如板橋雜記考明初諸功臣惟徐氏有二公定國公增壽子
孫居北京而南京魏國之後多賢自嫡子襲爵兼領軍府守備外支庶皆襲南
京錦衣衛指揮

天賜字申之備子也官衛僉事能文章喜賓客先是太祖賜達第於南京榜曰

通傳十

十二

大功坊世世居之有瞻園亭榭花木極盛天賜復於城東隅去賜第數百武築

別墅曰小蓬萊

內有堂曰遠心亭曰迎暉曰總春曰一鑑曰觀瀾曰翠青曰玉芝丹室洞曰歸雲峯曰杜筍皆喬宇題額

招名流嘯

咏其中著有東園雅集詩尚書顧璘序之

邦甯字仲謐號嗣軒鵬舉子也工吟咏著有習靜軒稿子時雨字潤甫號尊軒
亦能詩著有一榻軒稿

京字禹量輝祖季弟膺緒六世孫也正德十一年補應天諸生累舉不第遂出
游吳越與蔡羽王寵等定交歸而杜門掃軌覃精邃討自號居雲子往來者惟
顧璘皇甫汸兄弟及陳峻而已著有居雲集吳行浙行稿卒葬雙橋門

國全字义之亦膺緒裔孫也嗜酒好讀書以武舉第一赴遼陽經略熊廷弼奇
其才使爲屯田都司未至而廷弼去屯事止藩陽旣失遼陽被攻南門開有同
鄉童仲慄者將率家兵衛其兄仲揆匱以歸遂國全同去國全吉服立堂上曰
是袍君所賜衣以到任卽衣以從死我雖不屯田亦遼陽城中官也任都司豈
可不同遼城亡乎遂呼酒與仲慄訣及城陷乃與監軍崔儒秀對縊國全戴冠

翅不可入纓去冠入已復戴之仍問人曰正否乃死仲慄歸言於武學教授徐吉臣吉臣因補作留都武學志以童徐二傳冠首仲揆字子翼號玄圃南京孝陵衛人萬曆二十六年武進士猿臂善射歷都指揮掌四川都可擢副總兵督川兵援遼與同官陳策並充援勦總兵熹宗初立經略袁應泰招蒙古諸部處之遼瀋二城仲揆力諫不聽明年天啟改元應泰欲城清河撫順議三路出師用大將十人各將萬餘仲揆策當其二未行而瀋陽已圍兩人馳救次渾河遊擊周敦吉日事急矣請急抵瀋陽與城中兵夾擊可以成功已聞瀋陽陷諸將皆憤曰我輩不能救瀋在此三年何爲敦吉固請與石砮都司秦邦屏先渡河營橋北仲揆策及副將戚金參將張名世統浙兵三千營橋南邦屏結陣未就被攻卻而復前者三諸軍遂敗邦屏敦吉皆死他將走入浙營被圍數日營中用火器多殺傷火藥盡短兵接策先戰死仲揆揮刀殺十七人與金名世等並中弩死全軍皆覆事聞贈仲揆都督同知增世廕祠祀予以振字千仞初爲孝陵衛正千戶弘光中升陽電參將守南頓後亦死於陣

通傳十

三

李南字逸度本魏國公裔襲指揮明亡偕李氏子同竄因改姓李來南故名南自稱遂初道人遁居錢塘沙河塘築師可齋賣藥自給疾革時子嘉錫跪請其原名南頃目叱之卒年八十五著有夢歸吟村居漫興梅花三百詠

胡觀東川侯海次子也尙明太祖女南康公主帝命黃巖徐屋爲觀師置設教嚴每進講必正南面位觀執弟子禮愈恭建文二年觀以副將軍佐李景隆征燕白溝河之敗沒於陣或曰被執示樂初爲陳瑛所劾自經死至宣德十年始以子忠嗣降授孝陵衛指揮僉事升都指揮同知正統元年卒子彬嗣傳至崇禎時裔孫長庚字星卿讓世職於弟君渥已爲諸生南都旣沒棄家結廬馴象門外南康公主墓旁不入城市晚號茆屋老人賣藥自給君渥字二奇襲孝陵指揮明亡罷職與兄長庚偕隱及長庚卒門人私諡曰貞讓

李祺字承先韓國公善長子也尙臨安公主善長坐罪祺被囚建文初宥之命守江浦燕兵入京祺投水死公主卽徙宅南門外碧峯寺南子二芳爲留守中衛指揮茂爲旗手衛鎮撫至四世孫惟漢開明侗儻樂與豪傑游築別墅於牛

首山陽手致千金之產散施不吝早喪兄事嫂盡禮撫兄子女如已出願稱

其游無遺地樂無失時庶幾古之逸民焉

觀祺事皆參取路氏希里人文略不純用明史以方志較近而確也

李堅大名公主壻也建文初以左副將軍討燕封灤城侯已而被禽送北平道卒子莊字敬中永樂初公主懼禍納誥券許之莊襟懷灑落刻意詞翰從草窗先生劉溥遊京師稱其佳公子雅好鉛汞年七十九無疾而逝蓋克全父志有隱痛焉莊弟成仕至山東都指揮使成子陞官南京某衛指揮

梅殷甯國公主壻也建文初以總兵鎮淮安燕兵不得過成祖卽位召至京陰令都督譚深擠溺笄橋下死子順昌世襲孝陵衛指揮官至中府都督同知順昌弟景福官旗手衛指揮順昌子純字一之號損齋成化十三年舉人十七年進士除懷遠知縣以忤時罷復襲世職升中都副留守母老乞養歸壹意著述見有奇書卽解衣購之字字校讐精寫成帙著有損齋集性理彙訓損齋備忘錄輯續百川學海純子恆字石橋嘉靖十九年舉人官沔池知縣罷歸修損齋遺書樂而忘倦恆子宵石佚其名應天諸生以能文稱至明季有名某者亦諸生又聞公居古半山園皆其支族也南都之亡殷嫡裔孝陵指揮春死之

卷傳十

五

論曰南京勳籍必以魏國爲首輝祖以中山世嫡不徇私戚忠義奮發賢於定國遠矣妙錦雖閭中弱質而力拒明詔守正以終豈非巾幗丈夫哉國全殉遼陽之難與弘基父子後先輝映蓋不愧於其祖焉胡李梅氏皆以帝壻拒燕而子孫文采風流各極其選亦濁世佳公子也諸族入國朝多不可考惟徐氏家號素封聚族而居斜行旁上宗牒昭然至道咸間有名碩者字碩人剛直廉介勤勤於學以上元諸生終余客丹陽時數與往還嘗共談中山遺事云

齊甘倪方魏陳傳第五十一

齊泰初名德字尙禮號南塘溧水人明洪武十七年舉鄉試第一明年成進士歷禮兵二部主事雷震謹身殿太祖禱郊廟擇歷官九年無過者陪祀德與焉賜名泰二十八年以兵部郎中擢左侍郎太祖嘗問邊將姓名泰歷數無遺又問諸圖籍出袖中手冊以進簡要詳密大奇之皇孫素重泰及卽位命與黃子澄同參國政尋進尙書溧水有木屋臺宋紹興時王小山下居於是植桂數畝

花開五色明初或以聞於朝歲遣使采花進御中人暴橫民間苦之奏罷其役賦詩紀事云聖主當陽萬象新敷天草木亦歸仁中山地接南都勝下邑花分上苑春共訝秋香開五色甯知淑氣轉三辰窮檐已奉蠲除詔豈復輸將困爾民當是時帝患諸王權重地逼密與太子澄議削藩建文元年周代湘齊岷五王以次廢七月燕王舉兵反指太子澄為奸臣事聞泰請削燕屬籍聲罪致討曰明其為賊敵乃可克於是拜耿炳文為大將軍至真定為燕所敗子澄薦李景隆代將泰極言不可子澄不聽未幾景隆果債事帝乃解二人任以謝燕而陰留之京師仍參密議明年盛庸捷東昌帝告廟命二人任職如故及夾河之敗復解二人官燕王曰此緩我也進益急帝亦復二人官召還未至京師已不守泰走外郡謀與復旋被執赴京不屈死泰從父陽彥襄城大愷時承及從弟敬宗宰二人皆坐駢戮里人葬諸蒲塘名七賢塚泰子甫六歲免死給配仁宗時赦還給故業今其地名尚書鋪嘉靖四年賜諡節愍為祀祀之以泰五世孫光裕補諸生天啟元年豁免泰宗黨楊保元駱應鵬等四十五家同籍并贈泰曾祖益輔祖澤父

通傳十

仲榮如泰官

甘霖字沛之溧水人洪武二十年舉人仕至福建道監察御史太祖異其狀貌問其姓名曰甘霖因曰浙江大旱汝往霖之擢浙江左參政以六月抵任夢神告以某廢井有泉可濟民渴且往掘之果得泉今吳山井是也而祈禱大雨隨至俄坐事謫永州同知乞病歸燕王立強除江西布政使遁居懷甯復起為御史中丞又不就因被逮過采石賦詩云流恨吳江泣靜暉樓高太白出層巍潛來醉月人今逝帶血啼鵑何處歸抵京不屈死之葬官墩子孫相戒不仕萬厯初祀表忠祠 國朝乾隆三年 予諡節愍同縣王良字善之初隱壽國寺洪武中由薦舉仕至浙江按察使居官有苦操永樂初斬使自焚死

倪遴應天人父旺以佐命功除京衛指揮僉事遴襲職嘗受業於方孝孺孝孺死設位奠祭成祖聞之怒賜遴死子德字子潤逃隱於城南烏龍岡終身不出著有臥雲集時有六合馮氏佚其名竹鎮巨族也燕兵南犯將至境馮氏積水決渠築城堡集義兵以禦之燕師卻走乃由天長至揚州渡江成祖既立籍其

家夷其族又溧水陳太初字祐一建文時舉鄉試年甫十八聞燕王入京師憂

怛而死妻詹氏自經以殉人因號其葬處曰雙鴛墓

方矩字潔之上元人建文元年舉人與王良時秦史雄皆爲方孝孺所取士矩

性淡退感革除之變隱居不仕築雲澗亭於倪塘側嘯咏以終良字端賢水王

良同名非一人秦字階符亦皆上元人良當革除後嘗自言旣忝賢書與其屈於時不

如修於家遂遁迹不出秦工詩嘗與矩相唱和良子一俊字慧極諸生一居從

兄也一居事別見一俊子媚孫珏皆能世其學雄江甯人呂府志云江浦人建

文中除大理評事轉郎中直節勁氣特立敢言居官四十日章凡二十七上左

遷樂清縣丞同時胡照字善明句容人其兄熟字善養洪武中田儒士爲本縣

訓導照性穎悟同遊皆推讓之出入衣冠肅然雖燕居無惰容永樂初以人才

薦不就隱居吟諷亦方矩之亞也

魏澤字彥恩溧水人洪武中官刑部尙書燕兵入方孝孺死節宗族坐誅者八

百七十三人初錄其家時澤閒居應天委曲周全匿孝孺幼子德宗有台人余

學夔者知之乃佯狂乞食過澤門作歌有願效程嬰語澤叱之去他日遇於途

歌如前澤察其誠遂付以德宗展轉得免成祖微聞之謫澤甯海典史澤過方

氏故宅賦詩云筍輿衝雨過侯城撫景令人感激生黃鳥向人空百轉清猿墮

淚只三聲山中自可全高節天下難居是盛名卻憶令威千載後重歸華表不

勝情天下莫不高澤之義後巡撫黃紀賢行部至溧爲建坊於北門橋以表之

陳義上元人永樂初人有告溧陽徐某潛匿建文帝者詔籍其家幼女發教坊

司義陰庇之得不辱後遇赦嫁爲士人妻尙書鐵鉉二女亦下教坊義並爲保

全焉

論曰建文王午之變忠臣義士駢戮於朝妻女子孫皆罹極辱成祖居心之慘

酷雖桀紂之主未之有也齊甘諸人甯死不屈烈矣方矩倪德相率隱遁亦行

其心之所安而已魏澤陳義保全忠臣子女不尤爲人所難爲哉

通傳十

